



魏書志



志  
天象  
地形上

柳田文庫  
文庫11  
D 267  
17



文庫11  
D 267  
17

前上十志啟

臣收等啟昔子長命世偉才孟堅冠時特秀憲章前詰裁勒墳史紀傳之間中以書志緒言餘迹可得而聞叔峻刪緝後劉紹統削撰季漢十志實範遷固表蓋闕焉曹氏一代之籍了無具體典午終世之筆罕云周洽假復事播四夷盜聽間有小道俗言要奇好異考之雅舊咸乖實錄自永嘉喪圯中原淆然偏僞小書始無可取魏有天下跨蹤前載順未克讓善始今終陛下極聖窮神奉天屈已顧眄百王指掌萬世深存有魏撫運之業永念神州人倫之緒臣等肅奉明詔刊著魏籍編紀次傳備聞天旨竊謂志之爲用網羅遺逸載紀不可附傳非宜理切必在甄明事重尤應標著搜獵上下總括代終置之衆篇之後一統天人之迹褊心未識輒在於此是以晚始撰錄彌歷炎涼採舊增新今乃斷筆時移世易理

48-11142

010190558644

不刻船登閣合毫論叙殊致河溝往時之切釋老當今之重藝文  
前志可尋官氏魏代之急去彼取此敢率愚心謹成十志二十卷  
請續于傳末并前例目合一百三十一卷臣等妨官秉筆迄無可  
採塵黷旒冕墮深水谷謹啟

十一月持節都督梁州諸軍事驃騎將軍梁州刺史前著作郎  
富平縣開國子臣魏收啟

平南將軍司空司馬修史臣辛元植

冠軍將軍國子博士修史臣刁柔

陵江將軍尚書左丞客郎中修史臣高孝幹

前西河太守修史臣綦母懷文

魏書卷一百五之一

天象志一第一

夫在天成象聖人是觀日月五星象之著者變常舛度徵咎隨焉  
然則明晦暈蝕疾餘犯守飛流欵起彗孛不恒或皇靈降臨示譴  
以戒下或王化有虧感達於天路易稱天垂象見吉凶觀乎天文  
以察時變書曰曆象日月星辰敬授民時是故有國有家者之所  
祇畏也百王興廢之驗萬國禍福之未兆勤雖微罔不必至著於  
前載不可得而備舉也班史以日暈五星之屬列天文志薄蝕彗  
孛之比入五行說七曜一也而分爲二志故陸機云學者所疑也  
今以在天諸異咸入天象其應徵符合隨而條載無所顯驗則闕  
之云

太祖天興五年八月天鳴

六年九月天鳴

皇始二年十月壬辰日暈有珮璠占曰兵起天興元年九月烏丸張超收合亡命聚黨三千餘家據勃海之南皮自號征東大將軍烏丸王鈔掠諸郡詔將軍庾岳討之

天興三年六月庚辰朔日有蝕之占曰外國侵土地分五年五月姚興遣其弟義陽公平率眾四萬來侵平陽乾壁爲平所陷

六年四月癸巳朔日有蝕之占曰兵稍出十月太祖詔將軍伊謂率騎二萬北襲高車大破之

天賜五年七月戊戌朔日有蝕之占曰后死六年七月夫人劉氏後謚爲宣穆皇后

太宗神瑞二年八月庚辰晦日有蝕之

世祖始光四年六月癸卯朔日有蝕之占曰諸佐非其人神麿元

年二月司空奚斤監軍侍御史安頡討赫連昌擒之於安定其餘

眾立昌弟定爲主走還平涼斤追之爲定所擒將軍丘堆棄甲與

守將高涼王禮東走蒲坂世祖怒斬堆

神麿元年十一月乙未朔日有蝕之

太延元年正月己未朔日有蝕之

四年十一月丁卯朔日有蝕之

太平真君元年四月戊午朔日有蝕之

三年八月甲戌晦日有蝕之

六年六月戊子朔日有蝕之占曰有九族夷滅七年正月戊辰世

祖車駕次東雍州庚午圍薛永宗營壘永宗出戰大敗六軍乘之

永宗眾潰斬永宗男女無少長皆赴汾水而死

七年六月癸未朔日有蝕之占曰不臣欲殺八年三月河西王沮

渠牧犍謀反伏誅

十年夏四月丙申朔日有蝕之

六月庚寅朔日有蝕之占曰將相誅十一年六月己亥誅司徒崔

浩

十一年十二月辛未日南北有珥

高宗興安元年十一月己卯日出赤如血

二年三月日暈

興光元年七月丙申朔日有蝕之

和平元年九月庚申朔日有蝕之

三年二月壬子朔日有蝕之占曰有白衣之會六年五月癸卯高

宗崩

顯祖皇興元年十月己卯朔日有蝕之

二年四月丙子朔日有蝕之占曰將誅四年十月誅濟南王慕容

白曜

十月癸酉朔日有蝕之占曰尊后有憂三年夫人李氏薨後謚思

皇后

三年十月丁酉朔日有蝕之

高祖延興元年十二月癸卯日有蝕之占曰有兵二年正月乙卯

統萬鎮胡民相率北叛遣寧南將軍交趾公韓拔等滅之

三年十二月癸卯朔日有蝕之

四年正月癸酉朔日有蝕之占曰有崩主天下改服有大臣死五

年十二月己丑征北大將軍城陽王壽薨六年六月辛未顯祖崩

七月丙寅日有背珥

五年正月丁酉白虹貫日直珥一

承明元年三月辛卯日暈五重有二珥

太和元年冬十月辛亥朔日有蝕之

二年正月辛亥日暈東西有珥

二月乙酉晦日有蝕之占曰有欲反者近三月遠三年四年五月  
癸卯洮陽羌叛枹罕鎮將討平之

九月乙巳朔日有蝕之占曰東邦發兵四年十月丁未蘭陵民桓  
富殺其縣令與昌慮桓和北連太山羣盜張和顏等聚黨保五固  
推司馬朗之爲主詔淮陽王尉元等討之

三年春正月癸丑日暈東西有珥有佩戟一重北有偃戟四重後  
有白氣貫日珥狀如車輪京師不見雍州以聞  
三月癸卯朔日有蝕之占曰大臣誅四月雍州刺史宜都王目辰  
有罪賜死

四年正月辛酉日東西有珥北有佩日暈貫兩珥

五年正月庚辰日暈東西有珥南北並白氣長一丈廣二尺許北  
有連環暈又貫珥內復有直氣長三丈許內黃中青外白暈乍成  
散乃滅

七月庚申朔日有蝕之

七年十二月乙巳朔日有蝕之

八年正月戊寅有白氣貫日占曰近臣亂十年三月丁亥中散梁  
衆保等謀反伏誅

十一年十一月丁亥日失色

十二年三月戊戌白虹貫日

十三年二月乙亥朔日十五分蝕八占曰有白衣之會十一月已  
未安豐王猛薨

十四年二月己巳朔未時雲氣斑駁日十五分蝕一占曰有白衣之會九月癸丑文明太皇太后馮氏崩

十五年正月癸亥晦日有蝕之占曰王者將兵天下擾動十七年六月丙戌高祖南伐

十七年六月庚辰朔日有蝕之

十八年五月甲戌朔日有蝕之

二十年九月庚寅晦日有蝕之

二十三年六月己卯日中有黑氣占曰內有逆謀八月癸亥南徐州刺史沈陵南叛

十二月甲申日中有黑氣大如桃

世宗景明元年正月辛丑朔日有蝕之

七月己亥朔日有蝕之

二年四月癸酉日自午及未再暈內黃外白

七月癸巳朔日有蝕之

八月戊辰日赤無光中有黑子一

三年正月乙巳日中有黑氣如鵝子申酉復見又有二黑氣橫貫日

二月辛卯日中有黑氣大如鵝子

七月丁巳朔日有蝕之

正始元年十二月丙戌黑氣貫日

壬子日有冠珥內黃外青占曰天下喜三年正月丁卯皇子生大赦天下

三年二月甲辰日左右有珥內赤外黃

辛亥日暈外白內黃

十月乙巳日赤無光

十二月乙卯日暈內黃外青東西有珥北有背巳時白虹貫日

永平元年三月巳酉日南北有珥外青內黃暈不匝西北有直氣長尺餘北有白虹貫日

八月壬子朔日有蝕之

二年八月丙午朔日有蝕之

丁卯旦日旁有黑氣形如月從東南來衝日如此者一辰乃滅

三年二月甲子日中有黑氣二

十二月乙未日交暈中赤外黃東西有珥南北白暈貫日皆匝

四年十一月癸卯日中有黑氣二大如桃占曰天子崩延昌四年

正月丁巳世宗昇遐

十二月壬戌朔日有蝕之在牛四度占曰其國叛兵發延昌二年

正月戊辰蕭衍郁洲民徐玄明等斬送衍鎮北將軍青冀二州刺史  
史載首以州內附

延昌元年二月甲戌至于辛巳日初出及將沒赤白無光明

五月巳未晦日十五分蝕九占曰大旱民流千里二年春京師民  
饑死者數萬口

二年閏月辛亥日中有黑氣占曰內有逆謀三年十一月丁巳幽  
州沙門劉僧紹聚眾反自號淨居國明法王州郡捕斬之

五月甲寅朔日有蝕之京師不見恒州以聞

三年三月庚申日交暈其色內赤黃外青白南北有佩可長二丈  
許內赤黃外青白西有白暈貫日又日東有一抱長二丈許內赤  
黃外青

肅宗熙平元年三月戊辰朔日有蝕之



丁丑日出無光至于酉時占曰兵起神龜元年正月秦州羌反二月巳酉東益州氏反七月河州民却鐵怒聚眾反自稱水池王四月甲辰卯時日暈市西有一背內赤外黃南北有珥內赤外黃漸滅

十二月巳酉日暈北有一抱內赤外白兩傍有珥北有白虹貫日神龜元年三月丁丑白虹貫日占曰天下有來臣之眾不三年十一月乙酉蠕蠕莫緣梁賀侯豆率男女七口來降

二年正月辛巳朔日有蝕之

正光元年正月乙亥朔日有蝕之占曰有大臣亡七月丙子殺太傅領太尉清河王懌

二年五月丁酉日有蝕之夏州以聞

三年正月甲寅日交暈內赤外青有白虹貫暈外有直氣長二丈

許內赤外青

五月壬辰朔日有蝕之占曰秦邦不臣五年六月秦州城人莫折大提據城反自稱秦王

十月巳巳太史奏自八月巳來黃埃掩日日出三丈色赤如赭無光曜

十一月巳丑朔日有蝕之占曰有小兵在西北四年二月巳卯蠕蠕主阿那瓌率眾犯塞

四年十一月癸未朔日有蝕之

五年閏月乙酉日暈內赤外青南有珥上有一抱兩背內赤外青三月丁卯日暈三重外青內赤占曰有謀其主孝昌元年正月庚申徐州刺史元法僧據城反自稱宋王

十二月丙申日暈南北有珥上有兩抱一背

孝昌元年十二月丙戌白虹刺日不過虹中有一背占曰有臣背  
其主一曰有反城二年九月己卯東豫州刺史元慶和據城南叛  
三年十一月戊寅辰時日暈東面不合其色內赤外黃東西有珥  
內赤外黃西北去暈一尺餘有一背長二丈餘廣三尺許內赤外  
黃

莊帝永安二年三月甲戌未時日暈三重內黃赤外青日暈東西  
兩處不合其狀如抱

五月辛酉日暈東西兩處不合

辛未申時日南有珥去一尺餘有一背長三丈許廣五尺餘內赤  
外青

七月丙寅直東去日三尺許有一背長二丈餘內赤外青半食頃  
從北頭漸減至半須臾還如初見內赤外青其色分炳

十月己酉朔日從地下蝕出十五分蝕七虧從西南角起占曰西  
夷欲殺後有大兵必西行三年四月丁卯雍州刺史尒朱天光討  
擒萬俟醜奴蕭寶寅於安定送京師斬之

三年五月戊辰時日暈市內赤外白暈內有兩珥西有白虹貫  
日東北有一背內赤外青南有一背內赤外青東有一抱內青外  
赤京師不見青州表聞

六月辛丑日暈白虹貫日

前廢帝普泰元年三月丁亥日月並赤赭色天地溷濁

六月己亥朔日蝕從西南角起雲陰不見定相二州表聞占曰主  
弱小人持政時尒朱世隆兄弟專擅威福

後廢帝中興二年二月辛丑辰時日暈東西不合其色內赤外青  
南北有珥西北去暈一尺餘有一背長二丈許可廣三尺內赤外

青

十一月日暈再重上有背長三丈餘內青外赤

出帝太昌元年五月日暈再重上有兩背一尺許

癸丑午時日南有珥去日一尺餘有一背長三丈許廣五尺內赤

外青

十日辛酉朔日從地下蝕出虧從西南角起占曰有兵大行永熙

二年正月甲午齊獻武王自晉陽出討尔朱兆丁酉大破之於赤

洪嶺兆遁走自殺

永熙二年四月己未朔日有蝕之在丙虧從正南起占曰君陰謀

三年五月辛卯出帝為斛斯椿等諸佞關構猜於齊獻武王託討

蕭衍盛暑徵發河南諸州之兵天下怪惡之語在斛斯椿傳

三年四月癸丑日有蝕之占曰有亂殺天子者七月丁未出帝為

斛斯椿等迫勝遂出於長安

孝靜元象元年春正月辛丑朔日有蝕之占曰大臣死八月辛卯

司徒公高敖曹戰歿於河陰

六月己丑日暈一重有兩珥上有背長二丈餘

十一月己巳辰時日暈南面不合東西有珥背有白虹至珥不徹

二年二月己丑巳時日暈而白虹貫日不徹

興和二年閏月丁丑朔日有蝕之占曰有小兵七月癸巳元寶炬

廣豫二州行臺趙繼宗南青州刺史崔康寇陽翟鎮將擊走之

武定三年冬十一月壬申日暈兩重東南角不合西南東北有珥

西北有兩重背東北西北有白氣并有兩珥中間有一白氣東西

橫至珥

十二月乙酉竟天微有白雲日暈東南角不合西南東北有珥西

北有一背去日一尺

五年正月己亥朔日有蝕之從西南角起占曰不有崩喪必有臣亡天下改服丙午齊獻武王薨

二月辛丑日暈市西北交暈貫日并有一珥一抱

六年七月庚寅朔日有蝕之虧從西北角起

魏書卷一百五之一

天象志第一終

西州屯田司  
氏書

魏書卷一百五之二

天象志一第二

西州屯田司  
氏書

太祖皇始二年六月庚戌月掩太白在端門外占曰國受兵九月慕容賀麟率三萬餘人出寇新市十月太祖破之於義臺塲斬首九千餘級

天興元年十一月丁丑月犯東上相

二年五月辛酉月掩東上相

八月壬辰月犯牽牛占曰國有憂二年二月丁亥皇子聰薨

三年三月乙丑月犯鎮星在牽牛

七月己未月犯鎮星在牽牛

辛酉月犯哭星

四年三月甲子月生齒占曰有賊臣五年十一月秀容胡帥前平

原太守劉曜聚眾為盜遣騎誅之

七月丁卯月犯天關

十月甲子月犯東次相

五年四月辛丑月掩辰星在東井

五月丙申月犯太微

七月己亥月犯歲星在左角

十月戊申月暈左角時帝討姚興弟平於乾壁克之太史令晁崇奏角蟲將死上慮牛疫乃命諸軍併重焚車丙戌車駕北引牛大疫死者十八九官車所馭巨牯數百同日斃於路側首尾相屬麋鹿亦多死

乙卯月犯太微占曰貴人憂六年七月鎮西大將軍司隸校尉毗陵王順有罪以王還第

十二月庚申月與太白同入羽林

六年正月月掩氐西南星

六月甲辰月掩北斗魁第四星

十月乙巳月犯軒轅第四星

十一月辛巳月犯熒惑

天賜元年二月甲辰月掩歲星在角占曰天下兵起三年四月蠕蠕寇邊夜召兵將旦賊走乃罷

四月甲午月掩軒轅第四星占曰女主惡之六年七月夫人劉氏薨後謚宣穆皇后

五月壬申月掩斗魁第二星

二年三月壬辰月掩左執法

丁酉月掩心前星

四月巳卯月犯鎮星在東壁占曰貴人死四年五月常山王遵有罪賜死

七月巳未月掩鎮星

八月丁巳月犯斗第一星占曰大臣憂三年七月太尉穆崇薨

十月丁巳月掩鎮星在營室

三年二月巳丑月犯心後星

四月癸丑月犯太微西上將

巳未月犯房南第二星占曰將相有憂四年五月誅定陵公和跋

五月癸未月犯左角占曰左將軍死六年三月左將軍曲陽侯元

素延死

十二月丙午月掩太白在危

四年二月庚申月掩心後星

五年五月丁未月掩斗第二星占曰大人憂六年十月戊辰太祖崩

太宗元興元年二月甲子月犯昴占曰胡不安天子破匈奴二年

五月太宗討蠕蠕社論社論遁走

九月壬寅月犯昴

閏月丁酉月犯昴

二年三月丁卯月掩房南第二星又掩斗第五星

五月甲子月掩斗第五星

巳亥月掩昴

六月巳丑月犯房南第二星

七月乙亥月犯輿鬼

八月甲申月犯心前星

三年六月庚子月犯歲星在畢占曰有邊兵五年四月上黨民勞  
聰士臻羣聚為盜殺太守令長相率外奔

八月乙未月犯歲星在參

四年春正月壬戌月行畢蝕歲星

癸亥月掩房北第二星

閏月庚申月行昴犯熒惑

七月月蝕熒惑

八月戊申月犯泣星

十月辛亥月掩天關占曰有兵五年六月獲澤民劉逸自號征東  
將軍三巴王署置官屬攻逼建興郡元城侯元屈等討平之

五年三月戊辰月行參犯太白

四月癸卯月暈翼軫角

十月庚午月掩鈞鈴占曰喉舌臣憂五年三月散騎常侍王洛兒  
卒

八月庚申月犯太白占曰憂兵神瑞元年二月赫連屈丐入寇河

東殺掠吏民三城護軍張昌等要擊走之

九月己丑月犯左角占曰天下有兵神瑞元年十二月蠕蠕犯塞

十月乙巳月犯畢占曰貴人有死者泰常元年三月長樂王處文

薨

十一月丙戌月蝕房第一星

十二月甲辰三暈東井

神瑞元年正月丁卯月犯畢占曰貴人有死者泰常元年四月庚

申河間王脩薨

二月戊申月蝕房第一星

三月壬申月蝕左角

五月壬寅月犯牽牛南星

六月丙申月掩氏

七月庚辰月犯天關

八月丁酉月蝕牽中大星

巳酉月犯西咸占曰有陰謀神瑞二年三月河西饑胡屯聚上黨

推白亞栗斯為盟主號大單于稱建平元年四月詔將軍公孫表

等五將討之

二年三月丁巳月入畢占曰天下兵起泰常元年三月常山民霍

季自言名載圖識持一黑石以為天賜玉印誑惑聚黨入山為盜

州郡捕斬之

四月巳卯月犯畢陽星

七月辛丑月犯畢占曰貴人有死者泰常元年十二月南陽王良

薨

八月壬子月犯氏

十月甲子月暈畢

十一月月暈軒轅

戊午月犯畢陽星

泰常元年五月甲申月犯歲星在角

六月巳巳月犯畢占曰貴人死二年十月豫章王夔薨

七月月犯牛

十月丙戌月入畢占曰有邊兵二年二月司馬德宗譙王司馬文

思自江東遣使詣闕上書請軍討劉裕太宗詔司徒長孫嵩率諸

將邀擊之



二年五月丙子月犯軒轅

八月巳酉月犯牽牛占曰其地有憂三年司馬德宗死  
丁卯月犯太微

十一月癸未月犯東井南轅西頭第一星占曰諸侯貴人死一曰  
有水三年八月鴈門河內大雨水復其租稅五年三月南陽王意  
文薨

二年正月戊申月犯輿鬼積尸巳酉月犯軒轅燿星占曰女主有  
憂五年六月丁卯貴嬪杜氏薨後謚密皇后

四月壬申月犯鎮星在張

五月癸亥月犯太白於東井

七月丁巳月犯東井

九月丙寅月犯熒惑在張翼

十一月庚申月犯太白在斗

十二月庚辰月犯熒惑於太微

四年正月丙午月犯太微

三月壬寅月犯太微

五月丙申月犯太微占曰人君憂八年十一月太宗崩

十二月丁巳月犯太白入羽林

五年十一月辛亥月蝕熒惑在亢占曰韓鄭地大敗八年九月劉  
義符潁川太守李元德竊入許昌太宗詔交阯侯周幾擊之元德  
遁走

六年二月巳亥月蝕南斗杓星

五月丙辰月暈在角亢

七年正月丁卯月犯南斗占曰大臣憂三月河南王曜薨

三月壬戌月犯南斗

五月丙午月犯軒轅

六月辛巳月犯房占曰將相有憂八年六月己亥太尉宜都云穆

觀薨

世祖始光元年正月壬午日犯心中中央大星

二年三月丙子月犯熒惑在虛

十二月丁酉月犯軒轅

神嘉三年夏四月壬戌月犯軒轅

六月月犯歲星

四年十月丙辰月掩天關占曰有兵延和元年七月世祖討馮文

通於和龍

十二月月犯房鈞鈴

延和元年三月月犯軒轅

四月月犯左角占曰天下有兵二年二月征西將軍金崖與安定

鎮將延普及涇州刺史狄子玉為權舉兵攻普不克退保胡空谷

驅掠平民據險自固世祖詔平西將軍安定鎮將陸俟討獲之

五月月犯軒轅掩南斗第六星

七月丙午日蝕左角

三年二月庚午月犯畢口而出月暈昴五車及參占曰貴人死五

月甲子陰平王求薨

閏月己丑月入東井犯太白占曰憂兵七月辛巳世祖行幸隰城

命諸軍討山胡白龍於西河克之

太延元年五月壬子月犯右執法占曰執法有憂十月尚書左僕

射安原謀反伏誅

十月丙午月犯右執法

二年正月庚午月犯熒惑占曰貴人死三年正月癸未征東大將軍中山王篡薨

二月月犯太微東藩第一星

三月癸亥月犯太微右執法又犯上相占曰將相有免者真君二年三月庚戌新興王俊略陽王羯兒有罪並黜為公

三年正月月犯東井占曰將相死戊子太尉北平王長孫嵩薨乙巳鎮南大將軍丹陽王叔孫建薨

九月丙申月暈太微

十一月戊戌月掩太白

四年四月巳卯月犯氏

十一月丁未月犯東井占曰將軍死真君二年九月戊戌撫軍於

將軍永昌王健薨

五年六月甲午朔月見西方

七月月掩鎮星

真君元年十二月月犯太微

二年六月壬子朔月見西方

三年三月癸未月犯太白占曰憂兵四年正月征西將軍皮豹子等大破劉義隆將於樂鄉擒其將王奐之王長卿等

五年五月甲辰月犯心後星

六年四月月犯心占曰有亡國是月征西大將軍高涼王那討吐谷渾慕利延於陰平軍到曼頭城慕利延驅其部落西渡流沙那急追之故西秦王慕瓚世子被囊逆軍距戰那擊破之慕利延遂西入于闐

七年八月癸卯月犯熒惑又犯軒轅

十一月月犯軒轅

八年正月庚午月犯心大星

九年正月月犯歲星

十一年正月甲子月入羽林

正平元年正月月入羽林

高宗太安四年正月己未月入太微犯西蕃

三月月犯五諸侯

六月癸酉朔月生西方

八月月入南斗

九月月犯軒轅

十二月月犯氐

五年正月月掩軒轅又掩氐東南星

六月月犯心前星

十二月月犯右執法占曰大臣有憂和平二年四月侍中征東大

將軍河東王閭毗薨

和平元年正月丁未月入南斗

三月月掩軒轅占曰女主惡之四月保皇太后常氏崩

六月戊子月犯心前星

十一月壬辰月犯右執法

二年正月月犯心後星

九月月犯心大星

三年三月壬寅月犯心後星

八月月犯哭星

四年四月月掩軒轅御女星

五年二月甲申月入南斗魁中犯第三星

三月庚子月入輿鬼積尸

六年七月月犯心前星

九月月犯軒轅右角

顯祖天安元年六月甲辰月犯東井

十月癸巳月掩東井

皇興元年正月丙辰月犯東井北轅東頭第三星

八月辛酉月蝕東井南轅第二星占曰有將死三年正月司空平

昌公和其奴薨

十月癸巳月在參蝕

二年四月丙辰月犯牽牛中星

三年十二月乙酉月犯氏

五年七月辛巳月犯東井

高祖延興元年十月庚子月入畢口占曰有赦二年正月乙卯曲

赦京師及河西南至秦涇西至枹罕北至涼州及諸鎮

二年正月壬戌月犯畢占曰天子用法九月辛巳統萬鎮將河間

王閻虎皮坐貪殘賜死

閏月丙子月犯東井占曰有水是年以州鎮十一水旱免民田租

開倉振恤

庚子月犯東井北轅

三年八月己未月犯太微占曰將相有免者期不出三年承明元

年二月司空東郡王陸定國坐事免官爵

十二月戊午月蝕在七星京師不見統萬鎮以聞

四年正月己卯月犯畢占曰貴人死五年十二月城陽王長壽薨  
二月癸丑月犯軒轅

甲寅月犯歲星占曰饑太和元年正月雲中饑詔開倉賑恤

九月乙卯月犯右執法占曰大臣有憂承明元年六月大司馬大  
將軍安成王萬安國坐矯詔殺部長奚買奴於苑中賜死

五年三月甲戌月掩鎮星

八月乙亥月掩畢占曰有邊兵太和元年正月秦州略陽民王元  
壽聚眾五千餘家自號為衝天王二月詔秦益二州刺史武都公  
尉洛侯討破元壽獲其妻子送京師

十一月癸卯月入軒轅中蝕第三星

承明元年四月甲戌月蝕尾

太和元年二月壬戌月在井暈參南北河五車二星三柱熒惑

三月甲午月犯太微

戊辰月蝕尾下入濁氣不見

五月丁亥月犯軒轅大星

丙午月入太微

八月庚申月入南斗犯第三星

戊寅月入太微犯屏南星

十月乙丑月蝕昴京師不見雍州以聞占曰貴臣誅是月誅徐州  
刺史李訢

十二月癸卯月犯南斗

二年六月庚辰月犯太微東蕃南頭第一星京師不見定州以聞  
甲申月犯房又犯太微

八月壬午月入南斗占曰大臣誅十二月誅南郡王李惠

九月庚申陰雲開合月在昴蝕

十月戊戌月入南斗口中占曰大臣誅三年四月雍州刺史宜都

王目辰有罪賜死

十一月甲子月犯鎮星

十二月戊戌月入南斗口中

三年正月壬子月暈觜參兩肩五車五星畢東井占曰有赦十月

大赦天下

三月庚寅月犯心

三月庚戌月入南斗口中占曰大臣誅九月定州刺史安樂王長

樂有罪徵詣京師賜死

乙卯月入南斗口中

七月癸未月犯心

十月月犯心

十二月丙戌月犯太微左執法占曰大臣有憂四年正月襄城王

韓頹有罪削爵徙邊

四年正月丁未月在畢暈參兩肩五車東井丁巳月犯心占曰人

伐其主五年二月沙門法秀謀反伏誅

關犯心

二月巳卯月犯軒轅北第一星

辛巳月犯太微左執法占曰大臣有憂閏月頓丘王李鍾葵有罪

賜死

壬午月蝕

乙酉月掩熒惑

五年二月癸卯月犯太微西蕃南頭第一星

二月甲辰月在翼暈東南不而須臾西北有偏白暈侵五車二星東井北河北與鬼柳北斗紫微宮攝提翼星

戊戌月犯心京師不見濟州以聞

七月戊寅月犯昴占曰有白衣之會六年正月任城王雲薨

六年正月癸亥月在畢暈參兩肩五車三星胃昴畢京師不見營州以聞

巳巳月在張犯軒轅大星

辛未月蝕

五月戊申月入南斗口中

戊寅月犯昴

七月丁卯月蝕

十一月辛亥朔月寅見東方京師不見平州以聞

七年五月辛卯月犯南斗

八年正月辛巳月在畢暈東井歲星背參兩肩五車

三月巳丑月犯心

四月丁亥月蝕斗

癸亥月犯昴相州以聞占曰有白衣之會十一年五月南平王渾薨

五月丁亥月在斗蝕盡占曰饑十二月詔以州鎮十五水旱民饑遣使者循行問所疾苦開倉賑恤

九年正月丁丑月在參暈背參兩肩東井北河五車三星占曰水是年冀定數州水民有賣男女者

戊申月犯東井占曰貴人死一曰有水十月侍中司徒魏郡王陳建薨是年京師及州鎮十二水旱傷稼



四月丁未月犯心

十一月戊寅月蝕

十年十一月辛亥月犯房

十一年正月丙午月犯房鈞鈴

二月癸亥月犯東井

三月丙申月三暈太微

庚子月蝕氏占曰糴貴是年年穀不登聽民出關就食開倉賑恤

六月乙丑月犯斗

丙寅月犯建星

七月丁未月入東井

八月巳巳月蝕胃占曰有兵是月蠕蠕犯塞遣平原王陸叡討之

九月戊戌陰雲離合月在胃蝕

十一月乙巳月入氏

十二月戊午月及熒惑合於東壁

甲子月入東井犯天關

十二年正月戊戌月犯左角

二月壬戌月暈太微

丁卯月犯氏

四月癸丑月犯東井占曰將死九月司徒淮南王他薨

壬戌月犯氏與歲星同在氏

癸亥月犯房

六月丁巳月入氏犯歲星

七月乙酉月犯房

庚寅月犯牽牛

庚午月犯畢

九月月蝕盡

十一月巳未月犯東井

丙寅月犯左角占曰天下有兵十二年正月蕭贖遣眾寇邊淮陽太守王僧雋擊走之

十二月甲申月犯畢

乙未月犯氏

丙申月犯房

十三年正月甲寅月入東井

壬戌月掩牽牛

二月巳丑月在角十五分蝕七

三月庚申月犯歲星

四月丙戌月犯房

六月乙酉月掩牽牛

乙未月犯畢占曰貴人死十二月司空河東王苟頽薨

七月丁未月入氏

戊申月犯鍵閉

八月丙戌天有微雲月在未蝕占曰有兵十四年四月地豆于頻犯塞詔征西大將軍陽平王贖擊走之

九月丁巳月掩畢

庚申月入東井

十月巳卯月掩熒惑又掩畢

丁酉月犯鍵閉

十二月壬午月入東井

十四年二月甲戌月犯畢

六月甲戌月犯亢

八月乙亥月犯牽牛

辛卯月犯軒轅占曰女主當之九月文明皇太后馮氏崩

十月壬午月入東井

戊子月犯太微

十一月戊戌月犯鎮星

乙卯月犯太微右執法

十二月庚辰月犯軒轅

癸未月掩太微左執法

十五年正月巳酉月在張蝕

三月丙申月掩畢占曰有邊兵十六年八月詔陽平王贍右僕射

陸獻督十二將七萬騎北討蠕蠕

四月庚午月犯軒轅

癸酉月犯太微東蕃上將占曰貴人憂六月濟陰王鬱以貪殘賜

死

癸未月犯歲星

五月庚子月掩太微左執法占曰大臣憂十七年二月南平王霄

薨

丁未月掩建星

七月乙未月犯太微東蕃

辛丑月掩建星

癸卯月犯牽牛

九月乙丑月犯牽牛占曰大臣有憂十七年蕭贍死大臣疑當作吳越

癸未月入太微犯右執法占曰大臣憂十七年八月三老山陽郡  
開國公尉元薨

十月甲午月犯鎮星

戊申月犯軒轅

十一月乙巳月犯畢

辛未月入東井

十二月辛卯月蝕盡

十六年二月甲辰月入氏

三月巳卯月入羽林

四月壬辰月入太微

丙午月入羽林

五月壬子月掩南斗第六星

甲戌月入羽林

六月戊子月犯熒惑占曰貴人死十九年五月廣川王諧薨

巳丑月入太微

丁酉月掩建星

丁未月入畢占曰有邊兵十九年正月平南將軍王肅頓破蕭巒  
軍於義陽降者萬餘

七月甲戌月入畢

丁丑月犯軒轅

八月壬辰月犯建星

壬寅月犯畢

甲辰月入東井

戊申月犯軒轅占曰女主當之二十年十月廢皇后馮氏

辛亥月入太微犯右執法

九月癸亥月掩鎮星

十月辛卯月入羽林

癸亥月入東井

十一月甲子月犯畢

壬申月入太微

丁丑月入氐

十二月丁酉月在柳宿占曰國有大事兵起十七年八月己丑車駕發京師南伐步騎三十餘萬

十七年正月己丑月犯軒轅

壬申月犯氐

三月甲午月入太微

壬寅月掩斗第六星

四月癸丑月入太微占曰大臣死十九年二月辛酉司徒馮誕薨

壬寅月入羽林

五月甲子月犯南斗第六星

乙丑月掩建星

六月甲午月在女宿占曰旱二十年以南北州郡旱遣侍臣循察

開倉賑恤

七月壬子月入太微占曰有反臣二十年二月恒州刺史穆泰謀

反伏誅多所連及

丙辰月入氐

癸未月犯南斗第六星

庚申月犯建星

八月庚寅月犯哭星

辛卯月入羽林

丁酉月入畢占曰兵起十九年二月車駕南伐鍾離

辛丑月犯輿鬼

乙巳月入太微犯屏星

十月壬午月犯建星

甲午月入東井

十一月壬午月犯哭星

辛酉月犯東井前星

丁卯月入太微占曰大臣死有反臣二十七年四月大將軍宋王

劉昶薨廣州刺史薛法護南叛

壬申月入氏

十二月辛巳月入羽林

乙未月入太微

巳亥月入氏

十八年二月甲午月入氏

四月庚申月在斗蝕

六月丁卯月入東井

十九年三月巳卯月犯軒轅占曰女主當之二十一年十月追廢

貞皇后林氏為庶人

二十年七月辛巳月掩鎮星

十月丙午月在畢蝕

二十一年三月丁酉月犯屏星

四月庚午月掩房星

六月丁卯月掩斗魁

十二月乙亥月掩心

二十二年正月丙申月掩軒轅占曰女主當之二十三年詔賜皇后馮氏死

二月乙丑月與歲星熒惑合於右掖門內

丁丑月在角蝕占曰天子憂二十三年四月高祖崩

七月乙酉月掩心

九月庚申月蝕昴

二十三年二月壬戌月在軫蝕

六月癸未月掩房南頭第二星

甲申月掩箕北頭第一星

八月月在壁蝕于巳上

十一月癸丑月在畢暈昴觜參五車

十二月巳卯月掩昴

辛巳月掩五車

世宗景明元年正月丙辰月在翼蝕十五分蝕三

十二月癸未月暈太微既而有白氣長一匹廣二尺許南至七星

俄而月復暈北斗大角

丁亥月暈角亢房

二年正月甲辰月暈井觜參兩肩昴五車占曰貴人死大赦二月

甲戌大赦天下五月壬子廣陵王羽薨

二月丙子月掩軒轅大星占曰女主憂正始四年十月皇后于氏

崩

癸未月掩房南頭第二星丙戌月八南斗距星南二尺占曰吳越

有憂十二月蕭寶卷直後張齊玉殺寶卷

五月丙午月掩心第三星

戊申月掩斗魁第三星

七月辛亥月暈婁內青外黃轆昂畢天船大陵卷舌奎婁

三年正月甲寅月入斗去魁第二星四寸許占曰吳越有憂四月

蕭衍又廢其主寶融

四月癸酉月乘房南頭第二星

巳亥月暈在角亢氐房心

六月戊戌月掩南斗第二星

八月壬寅月暈外青內黃轆昂畢婁胃五車占曰貴人死乙卯三

老元丕薨

巳酉月犯軒轅

十一月巳巳月蝕井盡

十一月壬辰月掩昴占曰有白衣之會正始二年四月城陽王鸞

薨

乙未月暈參井鎮星占曰兵起四年氏反行梁州事楊椿左將軍

羊社大破之

丙申月掩鎮星又暈

四年正月庚申月暈胃昂參五車

二月辛亥月掩太白

三月辛酉月暈軒轅太微西垣帝座

四月丙申月掩心大星

五月丁卯月在斗從地下蝕出十五分蝕十二占曰饑正始四年

八月敦煌民饑開倉賑恤



六月癸卯月犯昴占曰有白衣之會永平元年三月皇子昌薨

丁未月掩太白

七月戊午月犯房大星

壬申月犯昴畢觜參東井五車五星占曰旱有大赦正始元年正月丙寅大赦改年六月詔以旱徹樂減膳

十二月丁亥月暈昴畢婁胃

己未月暈太微帝座軒轅

庚子月暈房心亢氏占曰有軍大戰正始元年荊州刺史楊大眼大破羣蠻樊秀安等

正始元年正月乙卯月暈胃昴畢五車二星

丁巳月暈婁胃昴畢

戊戌月暈五車三星東井南河北河輿鬼鎮星

二月甲申月暈昴畢參左肩五車

二年九月癸未月在昴十五分蝕十占曰饑四年九月司州民饑

開倉賑恤

十一月丙子月暈東西兩珥內赤外青東有白虹長二丈許西有白虹長一匹北有虹長一丈餘外赤內青黃虹北有背外赤內青

黃

三年正月辛巳月暈太微帝坐軒轅左角賁疑星

三月庚辰月在氏蝕盡

十月甲寅月犯太白

永平元年五月丁未月犯畢占曰貴人有死者九月殺太師彭城

王懿

六月己巳月掩畢

十一月癸酉月犯左執法占曰大臣有憂四年三月壬戌廣陽王  
嘉薨

二年正月甲午月在翼十五分蝕十二

十一月丙戌月掩畢大星

三年正月戊子月在張蝕

閏月乙酉月在危蝕

十一月壬寅月犯太白

十二月壬午月在張蝕

四年四月癸酉月暈太微軒轅占曰小赦延昌二年八月諸犯罪  
者怨死從流已下減降

辛卯月犯太白於胃

八月癸丑月掩輿鬼

丁巳月入太微占曰大臣死延昌元年三月己未尚書左僕射安

樂王詮薨

辛酉月犯太白

十月壬午月失行黃道北犯軒轅大星

甲申月入太微

十一月乙巳月犯畢占曰爲邊兵十一月戊申詔李崇奚康生治  
兵壽春以討胸山之寇

延昌元年二月庚午月暈東井輿鬼軒轅大星

三月辛丑月在翼暈須臾之間再成再散

壬寅月犯太微

乙巳月暈角亢房心鎮歲

九月丁卯月及熒惑俱在七星

十月癸酉月暈東井五車畢參占曰大旱一曰爲水二年四月庚子出絹十五萬匹賑恤河南饑民五月壽春水

十二月戊戌月犯熒惑於太微占曰君死不出三年四年正月世宗崩

二年正月庚子月暈暈東有連環轆亢房鎮織女天棊紫宮北斗二月己巳月暈熒惑軒轅太微帝座占曰旱六月乙酉青州民饑詔開倉賑恤

四月丙申月掩鎮星已亥月在箕從地下蝕出還生三分漸漸而滿占曰饑三年四月青州民饑開倉賑恤

六月乙巳月犯畢左股占曰爲邊兵二年六月南荊州刺史栢叔輿破蕭衍軍於九江

七月戊午月掩鎮星

十月丙申月在參蝕盡占曰軍起三年十一月詔司徒高肇爲大將軍率步騎十五萬伐蜀

三年二月乙酉月暈畢昴太白東井五車

四月癸巳月在尾從地下蝕出十五分蝕十四占曰旱饑熙平元年四月瀛州民饑開倉賑恤

九月丁卯月犯太微屏星

十月壬寅月犯房第二星

十二月丙午月掩熒惑

四年五月庚戌月犯太微占曰貴人憂九月安定王燮薨

九月乙丑月犯太微

十月癸巳月入太微占曰大臣死熙平二年二月太保領司徒廣

平王懷薨

閏月戊午月犯軒轅占曰女主憂之神龜元年九月皇太后高尼崩于瑤光寺

肅宗熙平元年八月巳酉月在奎十五分蝕八占曰有兵神龜元年三月南秦州氏反遣龍驤將軍崔襲持節喻之

十二月戊戌月犯歲星

甲辰月暈東井觜參五車占曰大旱一曰水二年十月庚寅幽冀滄瀛四州大饑開倉賑恤

二年三月丁未月在軫蝕

四月癸卯月犯房

八月癸卯月在婁蝕盡

九月癸酉月犯畢占曰貴人有死者神龜元年四月丁酉司徒胡

國珍薨

十月癸卯月暈昴畢觜參五車四星

甲辰月暈畢右股觜參五車三星東井口曰天下饑大赦神龜元年正月幽州大饑死者甚眾開倉賑恤又大赦天下

十一月戊戌月暈觜參東井

壬子月犯心小星

神龜二年二月丙辰月在參暈井觜參右肩歲星五車四星占曰有相死十二月司徒尚書令任城王澄薨

八月辛未月犯軒轅

十二月庚申月在柳十五分蝕十

正光元年正月戊子月犯軒轅大星占曰女主有憂七月丙子元又幽靈太后於北宮

十二月甲寅月蝕占曰兵外起二年正月南秦州氏反二月詔光祿大夫郗虬討之

二年五月丁未月蝕占曰旱饑三年六月帝以災旱減膳撤懸

七月乙卯月在昴北三寸

九月庚戌月暈昴畢五車二星

辛亥月暈昴畢觜參兩肩五車五星占曰有赦三年十一月丙午大赦天下

十月辛卯月掩心大星

十一月己酉月在井蝕

乙卯月犯昴

三年正月甲寅月掩心距星

二月丁卯月掩太白京師不見涼州以聞

甲戌月在張暈軒轅太微右執法歲星

四月丁丑月掩心距星

九月丙午月在昴暈昴畢觜參兩肩五車四星

四年正月戊戌月在井暈東井南河轆觜參右肩一星五車一星七月乙巳月在胃暈婁胃昴畢觜占曰貴人死四年十一月丁酉太保崔光薨

八月乙亥月在畢掩熒惑

五年二月庚寅月在參暈畢觜參兩肩東井熒惑三車一星占曰兵起六月秦州城人莫折大提據城反自稱秦王詔雍州刺史元志討之

閏月壬辰月在張暈軒轅太微西蕃占曰天子發軍自衛孝昌三年正月己丑詔內外戒嚴將親出討

癸巳月在翼暈太微張翼占曰士卒多逃走一曰士卒大聚十月  
營州城人劉安定就德興反執刺史李仲遵其部下王惡兒斬安  
定以降德興東走自號燕王

八月丙申月在昴暈胃昴五車二星畢觜參一肩

十二月癸未月在婁暈奎婁胃昴

孝昌元年九月丁巳月蝕

十月丙戌月在畢暈昴畢觜兩肩五車二星

二年八月甲申月在胃掩鎮星

閏月癸酉月掩鎮星

三年正月戊辰月犯鎮星於婁相去七寸許光芒相反占曰國破  
期不出三年一曰天下有大喪武泰元年二月癸丑肅宗崩四月  
庚子余朱榮害靈太后及幼王又害王公已下

癸酉月在井暈觜參兩肩南北河五車兩星占曰有赦七月己丑  
天下大赦

武泰元年三月庚申月掩畢大星

庚午月在軫暈太微角

莊帝建義元年七月丙子月在畢掩大星

永安元年十一月丙寅月在畢大星東北五寸許光芒相掩

十二月辛卯月在婁暈奎歲星胃昴

癸巳月掩畢大星

二年三月乙卯月入畢口占曰大兵起壬戌詔大將軍上黨王天  
穆與齊獻武王討邢杲

四月己丑月在翼入太微在屏星西南相去一尺五寸須臾下沒  
辛卯月在軫暈太微軫角

乙丑月在危

八月乙丑月在畢左股第二星北相去二寸許光芒相掩須臾入畢占曰兵起三年正月辛丑東徐州城民呂文欣等反殺刺史行臺樊子鵠討之

十月辛亥月在畢暈畢昴鎮星觜參井五車四星占曰兵起大赦三年三月万俟卨奴遣其大行臺尉遲菩薩寇岐州大都督賀拔岳可朱渾道元大破之四月大赦天下

甲子月在參蝕

十二月丙辰月掩畢右股大星

乙丑月熒惑同在軫

丁巳月在畢暈昴畢及鎮星觜參伐五車四星占曰大赦三年九月大赦天下

癸亥月在翼暈軒轅翼太微占曰有赦三年十月戊申皇子生大赦天下

乙丑月在軫掩熒惑

三年正月己丑月入太微襲熒惑

辛卯月行太微中暈太微熒惑

壬辰月在軫掩熒惑

四月戊午月暈太微

五月甲申望前月蝕於午洪範傳曰天子微弱大法失中不能立功成事則月蝕望前時余朱榮等擅朝也

六月乙巳月在畢大星北三寸許光芒相掩

八月庚申月入畢口犯左股大星

辛丑月入軒轅后星北夫人南直東過太白犯次妃占曰人君死

又爲兵起十二月余朱兆入洛執帝殺皇子亂兵汗辱後宮殺司徒公臨淮王彧

九月庚寅月在參暈昴觜參井歲鎮二星五車三星

十月辛亥月暈東壁

十一月辛丑月在太白北中不容指

前廢帝普泰元年正月己丑月在角暈軫角亢亦連環暈接北斗柄三星大角織女

五月甲申月蝕盡

己未月犯畢右股第一星相去三寸許光芒相及又入畢口

十月癸丑月暈昴觜參東井五車三星占曰有赦是月齊獻武王推立後廢帝大赦天下

後廢帝中興元年十一月甲申月暈

二年四月戊寅月在箕蝕

出帝太昌元年六月癸未月戴珥

九月甲寅月入太微犯屏星

十月丙子月在參蝕

永熙二年十一月乙丑月在畢暈昴觜參兩肩五車五星

三年三月戊戌月在亢蝕

八月庚午月在畢暈昴畢觜參五車四星占曰大赦是月戊辰大赦天下

孝靜天平元年十二月庚申月在畢暈昴畢觜參兩肩五車五星閏月庚子月掩心中央星

三年三月月暈北斗第二星占曰糴貴兵聚是月齊獻武王討山胡劉懿升斬之三年并肆汾建諸州霜儉



壬申月在婁太白在月南一寸許至明漸漸相離

八月己卯月在心去心中中央大星西廂七寸許

十一月戊辰月在心掩前小星

三年春正月丁卯月掩軒轅大星

二月丁亥月蝕

八月癸未月蝕

十月丁丑月在熒惑北相去五寸許

四年二月壬申月掩五車東南星

庚辰月連環暈北斗

八月癸未月掩五車東南星

元象元年三月丁卯月掩軒轅大星

六月癸卯月蝕

十月己亥陰雲班駁月在昴暈胃昴畢占曰大赦興和元年五月  
大赦天下

丁未月在翼暈太微軒轅左角軫二星

十一月庚午月在井暈五車一星及東井南北河占曰有赦興和

元年十一月大赦改年

興和元年八月辛丑月在畢暈畢觜參兩肩五車

九月丁巳月在斗犯魁第二星相去三寸許光芒相及

丁卯月掩昴

十二月甲午月蝕

二年八月己酉月犯心中中央大星

三年春正月辛巳月在畢暈東井參兩肩畢西轆昴五車五星占

曰大赦武定元年正月大赦改元

四月壬辰月蝕

八月丁巳月在胃暈畢歲星昴婁胃五車一星須臾暈缺復成

四年十一月壬午月在七星暈熒惑軒轅太微帝座

十二月壬寅月在昴暈昴畢五車兩星占曰有赦武定二年三月齊獻武王歷冀定二州因入朝以今春亢旱請蠲懸租賑窮之死罪已下一皆原宥

武定元年三月丙午月蝕

四年正月己未月蝕軫

六月癸巳月入畢中

九月癸亥月在翼暈軒轅太微帝座熒惑占曰兵起是月北徐州山賊鄭士定自號郎中偷陷州城儀同斛律平討平之

五年正月乙巳月犯畢大星昴東井觜參五車二星占曰大赦五

月丁酉朔大赦天下

庚辰月在張暈軒轅大星太微天庭

七年九月戊午月在斗掩歲星占曰吳越有憂是歲侯景破建業吳人餓死及流亡者不可勝數

十一月丁卯月蝕

魏書卷一百五之二 天象志第二 一終

魏書卷一百五之二

魏書卷一百五之三

魏書卷一百五之三

天象志一第三

太祖皇始元年夏六月有星彗于髦頭彗所以去穢布新也皇天以黜無道建有德故或馮之以昌或繇之以亡自五胡蹂躪生人力正諸夏百有餘年莫能建經始之謀而底定其命是秋太祖啟冀方之地寔始芟夷滌除之有德教之音人倫之象焉終以錫類長代修復中朝之舊物故將建元立號而天街彗之蓋其祥也先是有大黃星出於昴畢之分五十餘日慕容氏太史丞王先曰當有真人起於燕代之閒大兵鏘鏘其鋒不可當冬十一月黃星又見天下莫敵

是歲六月木犯哭星木人君也君有哭事是月太后實氏崩至秋晉帝殂

二年六月庚戌月掩金于端門之外戰祥也變及南宮是謂朝廷有兵時燕王慕容寶已走和龍秋九月其弟賀麟復糾合三萬衆

寇新市上自擊之大敗燕師于義臺悉定河北而晉桓玄等連衡  
內侮其朝廷日夕戒嚴是歲正月火犯哭星占有死喪哭泣事秋八月又守并鉞占曰  
大臣誅十月襄城王題薨明年正月右軍將軍尹國於冀州謀

反叛

天興元年八月戊辰木晝見胃胃趙代墟也關天之事歲為有國  
之君晝見者並明而干陽也天象若曰且有負海君實能自濟其  
德而行帝王事是月始正封畿定權量肆禮樂頒官秩十二月羣  
臣上尊號正元日遂禪上帝于南郊由是魏為北帝而晉氏為南  
帝

元年十月至二年五月月再掩東蕃上相相所以蕃輔王室而定  
君臣位天象若曰今下凌上替而莫之或振將焉用之哉且曰中  
坐成刑貴人奪勢是歲桓玄專殺殷仲堪等制上流之眾晉室由  
是遂卑是歲五月辰星犯軒轅大星占曰女主當之三年二月至七月月再犯鎮星于牽牛又  
犯哭星為兵喪女憂或曰月為彊大之臣鎮所以綱紀也是為彊臣有干犯者在吳

越既而晉太后李氏祖桓  
玄擅命江南仍有艱故云

三年三月有星孛于奎歷閣道至紫微西蕃入北斗魁犯太陽守  
循下台躡南宮履帝生遂由端門以出奎是封豨剝氣所由生也  
又殷徐州之次桓玄國焉劉裕興焉天象若曰君德之不建人之  
無授且有權其列蕃盜其名器之守而荐食之者矣又將由其天  
步席其帝庭而出號施令焉至四年二月甲寅有大流星眾多西  
行歷牛虛危絕漢津貫太微紫微虛危主靜人牽牛主農政皆負  
國之陽國也天象若曰黎元喪其所食失其所係命卒至流亡矣  
上不能恤又將播遷以從之其後晉人有孫恩之難而桓玄踵之  
三吳連兵荐饑西奔死亡者萬計竟篡晉主而流之尋陽既又劫  
之以奔江陵是歲三月甲子月生齒占曰有賊臣七月丁卯月犯天關關所以制畿封國也  
月犯之是為兵起于郊旬十月甲子月又犯東蕃上相占同二年既而桓玄職

金陵殺司馬元顯太傅道子是  
歲秀容胡師亦聚眾反伏誅

五年四月辛丑月掩辰星在東井月為陰國之兵辰象戰鬪占曰  
所直野軍大起戰不勝亡地家臣死冬十月帝伐秦師于蒙坑大  
敗之遂舉乾壁關中大震其上將姚平赴水死是月戊申月暈左角大  
史令屍崇秦角蟲將屍上

慮牛疫乃命諸將併重焚車丙戌車駕北引牛大疫死者十有八  
九官車所御巨犢數百同日斃於路側首尾相屬麋鹿亦多死者

五年三月戊子太白犯五諸侯晝見經天九月己未又犯進賢太  
白為彊侯之誠犯五諸侯所以興霸形也是時桓玄擅征伐之柄  
專殺諸侯以弱其本朝卒以干君之明而代奪之故皇天著誠焉  
若曰夫進賢與功大司馬之官守也而今自殘之君於何有焉是  
冬十月客星白若粉絮出自南宮之西十二月入太微亂氣所由  
也以距之之氣而乘粹陽之天庭適足以驅除焉明年竟篡晉  
室得諸侯而不終是歲五月丙申月犯太微十月乙卯又如之月者太陰臣象太微正陽  
之庭不當橫行其中是謂朝廷間隙疆臣不制亦桓玄之誠也又占曰  
貴人有坐之者明年七月鎮西大  
將軍毗陵王順以罪遷第亦是也

五年七月己亥月犯歲星在鶉火鳥帑南國之墟也至天賜元年  
二月甲辰又掩之在角角為外朝而歲星君也天象若曰有彊大  
之臣于君之庭以挾其主而播遷于外是歲桓玄之師敗績于劉  
裕玄劫晉帝以奔江陵至五月玄死桓氏之黨復攻江陵陷之凡  
再劫天子云先是六年六月甲辰月掩斗魁第四星至天賜元年五月壬申又掩斗魁第三  
星二年八月丁巳又犯斗第一星斗為吳分大人憂將相數宮中有自賊者及  
桓玄伏誅貴臣多戮死者江南  
兵革十餘歲乃定故諺見于斗  
天賜二年四月己卯月犯鎮星在東壁七月己未又如之十月丁  
巳又掩之在室夫室星所以造宮廟而鎮司空也占曰土功之事  
興明年六月癸八部人自五百里內繕脩都城魏於是始有邑居  
之制度或曰北宮後庭人主所以庇衛其身也鎮主后妃之位存  
亡之基而是時堅冰之漸著矣故犯又掩再三焉占曰臣賊君邦  
大喪是歲三月丁酉月犯心前星三年二月月犯心後星四年二

月又如之心主嫡庶之禮占曰亂臣犯主儲君失位庶子惡之先是天興六年冬十月至元年四月月再掩軒轅占曰有亂易政后妃執其咎三年五月壬寅熒惑犯氏氏宿宮也天戒若曰是時蠱惑人主而興內亂之萌矣亦自我天視而脩省焉及六年七月宣穆后以彊死太子微行人間既而有清河萬人之難二年八月火犯斗大人之事建爲經綸之始此天所以建劉業君時劉裕且傾晉祚而清河之釁方作矣帝猶不悟至是歲九月火犯哭星其象若曰將以內亂至于哭泣之事焉由是言之皇天所以訓劫殺之主熟矣而罕能敦復以自悟悲夫

二年八月甲子熒惑犯少微庚寅犯右執法癸未犯左執法十一月丙戌太白掩鈞鈐皆南邦之謫也火象方伯金爲彊侯少微以官賢材而輔南宮之化執法者威令所由行也天象若曰夫祿去公室所由來漸矣始則奮其賢材以爲其本朝終以于其鈐而席其威令焉至三年十二月丙午月掩太白于危危齊分也占曰

其國以戰亡丁未金火皆入羽林四年正月太白晝見奎是謂或稱王師而于君明者占曰天下兵起魯邦受之二月癸亥金火土水聚于奎婁徐魯之分也四神聚謀所以革衰替之政定霸王之命五月巳丑金晝見于參天意若曰是將自植攻伐以震其主而代奪之云爾八月辛丑熒惑犯執法九月遂犯進賢與桓氏同占是時南燕慕容氏兼有齊魯之墟不務脩德而驟侵晉淮泗六年四月劉裕以晉師伐之大敗燕師于臨朐進克廣固執慕容超以歸戕諸建康於是專其兵威荐食藩輔篡奪之形由此而著云二年三月月掩左執法三年四月又犯西蕃上將巳未犯房次相六月火犯房次將三年七月太尉穆崇薨四年誅定陵公和跋殺司空庾岳又四年六月火犯水左翼八月金掩火犯左執法占曰大兵在楚執法當之至五年火犯天江占曰水賊作亂六月金犯上將又犯左執法其後盧循作亂於上流晉將何無忌戰死左僕射孟昶仰藥卒劉裕自伐齊奔命僅乃克之

六年六月金火再入太微犯帝座蓬孛客星及他不可勝紀太史上言且有骨肉之禍更改立君語在帝紀冬十月太祖崩夫前事

之感大即後事之災深故帝之季年妖怪特甚

是歲二月至九月月三犯昂昂為白衣會官車晏駕之徵

也十二月辛丑余犯木於春占曰其君有兵死者既而慕容超戮于晉是歲四月火犯水于東并其冬赫連氏攻安定秦主與自將救之自是侵伐不息或曰水火之合內亂之形也時朱提王悅其反賜死

太宗永興二年五月己亥月掩昂昂為髦頭之兵虜君憂之是月

蠕蠕社論圍長孫嵩于牛川上自將擊之社論遁走道死

六月甲午太白晝見占曰

為不臣七月月犯鬼占曰亂臣在內明年五月昌黎王慕容伯兒謀反誅之

是歲三月至秋八月月三掩南斗第五

星斗吳分也且曰疆大之臣有干天祿者大人憂之是月乙未太白犯少微晝見九月甲寅進犯左執法占曰且有杖其霸刑以戮

社稷之衛而專威令者徵在南朔先是三月丁卯月掩房次將六

月己丑又如之八月甲申犯心前星占曰服軛者當之君失馭徵

在豫州時劉裕謀弱晉室四年九月專殺僕射謝混因襲荊州刺

史劉毅于江陵夷之明年三月又誅晉豫州刺史諸葛長人其君

託食而已

是歲八月壬子太白犯軒轅大星占曰有亂易政女君憂三年十一月丙午金犯哭星午秦地四年八月戊申月犯哭星申晉地是月晉后王氏死其後姚主薨

三年六月庚子月犯歲星在畢八月乙未又犯之在參四年正月

又蝕在畢直微垣之陽參在山河之右歲星所以阜農事安萬人

也占曰月仍犯之邊萌阻兵而荐饑是歲六月癸巳金木合于東

井七月甲申金犯土于井占曰其國內兵有白衣之會十一月土

犯井十二月癸卯土犯鉞土主疆理之政存亡之機也是為土地

分裂有戮死之君徵在秦邦至五年二月丙午火土皆犯井占曰

國有兵喪之禍主出走是月壬辰歲填熒惑太白聚于井將以建

霸國之命也其地君子憂小人流又自三年四月至五年三月熒

惑三千鬼主命者將天而國徙焉是時雍州假王霸之號者六國

而赫連氏據朔方之地尤為疆暴荐食關中秦人奔命者殆路間

歲姚興薨而難作于內明年劉裕以晉師伐之秦師連戰敗績執

姚泓以歸戎諸建康既而遺守內攜長安淪覆焉或曰自上黨並

河山之北皆鬼星參畢之郊也五年四月上黨羣盜外叛六月獲澤人劉逸自稱三巴王七月河西胡曹龍入蒲子號大單于十月將軍劉潔魏勤擊吐京叛胡失利勤力戰死潔為所虜明年赫連屈子寇蒲子三城諸將擊走之其餘災波及晉魏仍其兵革之禍

二年九月土犯畢為彊場之兵三年七月木犯土于參占曰戰敗亡地國君死四年十月月掩天關其災同上參外土巴蜀共後晉師伐蜀戮其主譙縱先是四年閏月月犯熒惑在昴七月又蝕之五年將軍奚斤討越勒大破之明年禿髮氏降于西秦其君年檀熒死

神瑞元年二月填入東井犯天尊旱祥也天象若曰土失其性水源將壅焉施于天尊所以福矜寡之萌也先是去年九月至于五月歲再犯軒轅大星八月庚寅至二年三月填再犯鬼積尸歲星主農事軒轅主雪霜風雨之神反覆由之所以告黃祇也土爰稼穡鬼為物之精氣是謂稼穡潛耗人將以饑而死焉一曰大旱是後京師比歲霜早五穀不登詔人就食山東以粟帛賑乏語在崔

浩傳 先是月犯歲于畢占曰飢在晉代亦其徵又鬼主秦早在秦邦至二年太史奏災感在匏瓜中一夜忽忘失之後出東井語在崔浩傳既而關中大旱昆明枯涸 是歲四

月癸丑流星晝見中天西行占曰營頭所首野有覆軍流血西行適在秦邦而魏人覲之亦王師之戒也天若戒魏師曰是擁眾而西固欲干君之明而代奪之爾姑息人以觀變無庸禦焉先是五年三月月犯太白于參八月庚申又犯之參魏分野占曰彊侯作難國戰不勝九月己丑月犯左角是歲三月壬申又蝕之是謂以剛晉之兵合戰而偏將戮徵在兗州二年四月太白入畢月犯畢而再入之占曰大戰不勝邊將憂魏邦受之六月己巳有星孛于昴南天象若曰且有驅除之雄勿用距之于朔方矣明年七月劉裕以舟師沂河九月裕陷我滑臺兗州刺史尉建以畏懦斬時崔浩欲勿戰上難違眾議詔司徒嵩率師逐之及晉人戰于畔城魏師敗績語在崔浩傳裕既定關中遠歸受禪既而赫連氏并之遂



竊尊號云自元年正月至泰常元年十月月三犯畢再入之再犯畢陽星占曰邊兵起貴人  
有死者元年十二月蠕蠕犯塞上自將大破之二年上黨胡反詔五將討平之泰  
常元年長樂河間南陽王自亮二年  
豫章王又楚常山霍李聚眾反伏誅

二年四月辛巳有星孛于天市五月甲申彗星出天市掃帝座在房心北市所以建國均人心宋分也國且殊號人將更主其革而為宋乎先是往歲七月月犯鉤鈴十一月月食房上相至元年二月又如之天象若曰尚尸鈴鍵之位君憑而尊之者又將及矣是歲八月金木合于翼占曰且有內兵楚邦受之至泰常二年正月晉荊州刺史司馬休之雍州刺史魯宗之為劉裕所襲皆出奔走是歲十月鎮星守太微七十餘日占曰易代立王其三年三月癸丑太白犯五諸侯如桓氏之占七月有流星孛于少微以入太微自劉氏之霸三變少微以加南宮矣始以方伯專之中則霸形于之又今李政除之馴而三積堅冰至焉是月辰星見東方在翼其

明大翼楚邦也是為家臣于明賊人其昌先是五年十一月壬子辰星出而

戊辰星過時而見光色明盛是為疆臣有不還今者至是九月長彗星孛于北斗又加之亦三至焉或曰辰星以負北海亦魏將大興之兆

紫微辛酉入南宮凡八十餘日十二月彗星出自天津入太微逕

北斗于紫宮犯天棓八十餘日及天漢乃滅語在崔浩傳是歲晉

安帝殂後年而宋篡之夫晉室雖微泰始之遺俗也蓋皇天有以

原始篤終以哀王道之淪喪故猶著二微之戒焉神瑞二年四月木入南

如之八月金入自掖門掩左執法泰常元年六月又由掖門入太微五月火犯執法是冬土守天尊

而月掩之三年八月土又入太微犯執法因留二百餘日九月金又犯石執法十月火犯上將因留

左掖門內二十日乃逆行四年三月出西藩又還入之繞填星成句巳四

月丙午行端門出皆晉氏之讎也自晉滅之後太微有變多應魏國也

泰常三年十月辛巳有大流星出昴歷天津乃分為三須臾有聲

占曰車騎滿野非喪即會明年四月帝有事于東廟蕃服之君以

其職來祭者蓋數百國也是歲正月巳酉月犯軒轅四月壬申又

犯填星在張四年五月辰星又犯軒轅占曰國有喪女君受之明

年五月貴人姚氏薨是為昭哀皇后六月貴嬪杜氏薨是為密后

先是二年九月火犯軒轅三年八月金又犯之占同也

四年自正月至秋七月月行四犯太微天象若曰太微粹陽之天

庭月者臣也今橫行輔之不已甚乎先是元年五月月歲星在角

是歲七月月又犯歲星明年宋始建國後年而晉主殂祿鳩之也

昔桓氏之難月再干歲星再劫其主至是亦再犯之而再勦其君

極其幽逼之患而濟以篡殺之禍斯謂之甚矣先是三年九月月犯火于

微是歲五月月犯太白在井十月又犯之在斗且再犯井星皆有兵水大喪諸侯有死者七月鴈

門河內大水五年三月南陽王意文死十一月西涼李歆為沮渠所滅晉君亦亂秦吳亡之應

五年十一月乙卯熒惑犯填星在角角外朝也土為紀綱火主內

亂會于天門王綱將荼焉占曰有死君逐主后妃憂之十二月月

蝕熒惑在亢亢內庭也占曰君薨而亂作于內貴臣以兵死是月

客星見于翼翼楚邦也占曰國更服邊有急將軍或語反者六年

二月月食南斗杓星十月乙酉金土鬪于亢占曰內兵且喪更立

王公又兗州陳鄭之墟也有攻城野戰之象焉至七年正月犯南

斗三月壬戌又犯之斗為人君受命又吳分是歲五月宋武殂秋

九月魏師侵宋北鄙十一月攻滑臺克之明年拔虎牢陷金墉屠

許昌遂啓河南之地八年宋太后蕭氏死既大臣專權遷殺其主

卒皆伏誅自五年八月至七年十二月熒惑一守軒轅再犯進賢再犯房星月一犯軒轅及房

皆女君大臣之戒是時陽平河南王太尉穆觀相次薨而宋氏廷臣乘讐以侮其

主竟以誅死云或曰火犯土亢為飢疾時官軍

相武卒會軍大疫死者十二三是冬詔廩飢人

六年六月壬午有大流星出紫宮占曰上且行幸若有大君之使

明年駕幸橋山祠黃帝東過幽州命使者觀省風俗十月上南征

八年春步自鄴宮遂絕靈昌至東郡觀兵成臯反自河內登太行

山幸高都飲至晉陽焉

七年二月辛巳有星孛于虛危向河津占曰玄枵所以飾喪紀也

宗廟並起司人疑更謀有易政之象十一月甲寅彗星出室掃北斗及于闕門占曰內宮幾室主命將易寒垣有土功之事其地又齊衛也八年正月彗星出奎南長三丈東南掃河奎爲荐食之兵徐方之地占曰西北之兵伐之尹絕嗣天下饑七年十二月帝命壽光侯叔孫建徇定齊地八年春築長城距五原二千餘里置守卒以備蠕蠕冬十月大饑十一月己巳上崩于西宮明年宋廢其主由是南邦日蹙齊衛之地盡爲兵衝及世祖卽政遂荒淮沂以負東海云八年二月丙寅火守斗亦南邦之謫也十一月彗星守斗土司空空主疆理邦域且曰有土功哭泣事後年赫連屈子薨太武征之取新秦之地由是征伐四克提

打萬里云

世祖始光元年正月壬午月犯心大星心爲宋分中星者君也月爲大臣主刑事是歲五月宋權臣徐羨之謝晦傅亮放殺其主而立其弟宜都王是爲宋文帝至十月火犯心天戒若曰是復作亂

以干其君矣十月壬寅大流星出天將軍西南行殷殷有聲占曰有禁暴之兵上將督戰以所首名之三年正月歲星食月在張張南國之分歲之於月少君之象今反食之且誅彊大之臣是月羨之等戮死謝晦與江陵之甲以伐其君宋將檀道濟帥師禦之晦又奔潰伏誅或曰是歲上伐赫連氏入其罪夏魏直代西兩亦奔星應也

二年五月太白晝見經天占曰時謂亂紀革人更王六月己丑火入羽林守六十餘日占曰禁兵大起且有反臣之戒

三年十月有流星出西南而東北行光明燭地有聲如雷鳥獸盡駭占曰所發之野有破國遷君西南直夏而首于代都焉者而有聲盛怒也

四年五月辛酉金水合于西方占曰兵起大戰先是三年正月宋人有謝氏之難王卒盡出冬十一月上伐赫連昌人其邪徙萬餘

家以歸是歲復攻之六月大敗昌于城下昌奔上都遂拔統萬盡收夏器用虜其母弟妻子由是威加四隣北夷警焉

神應元年五月癸未太白犯天街占曰六夷髦頭滅二年五月太白晝見占曰大兵且興疆國有弱者是月上北征蠕蠕大破之虜獲以鉅萬計遂降高車以實漠南關地數千里云

三年六月火犯井鬼入軒轅占曰秦憂兵亂有死君又旱饑之應丙子有大流星出危南入羽林占曰兵起負海國與王師合戰是歲自三月至十月太白再犯歲星月又犯之占曰有國之君或罹兵刑之難者且歲僅十二月丙戌流星首如薤長二十餘丈大如數十斛松色正赤光燭人面自天船及河抵奎大星及于壁占曰天船以濟兵車奎爲徐方東壁帶也是爲宋師之祥昭盛者事大也是歲六月宋將到彥之等侵魏自南鄙清水入河沂流而西列

屯二千餘里九月帝用崔浩策行幸統萬遂擊赫連定於平涼十月克之悉定三秦地明年大師涉河攻滑臺屠之宋人宵遁是時赫連定轉攻西秦戮其君乞伏慕末吐谷渾慕容瓚又襲擊定虜之以彊死者再君焉是歲二月定州大饑詔開倉賑之或曰奎星羽獵理兵象也流星抵之而著大是爲大人之事冬十月上大閱于漠南甲騎五十萬旌旗二千餘里又明盛之徵

四年金火入東井火又犯天戶明年

五月又犯鬼占曰秦有兵喪而至秦夏出夷滅沮渠蒙遜又死氏主楊難當陷宋之漢中地云

四年三月有大流星東南行光燭地長六七丈食頃乃滅後有聲占曰大兵從之是時諸將方逐宋師至歷城不及有聲駿犇之象也四月辛未太白晝見于胃胃爲趙分五月太白犯天關十月丙辰又掩之天關外主勃碣山河之險窮焉占曰兵革起九月丙寅有流星大如斗赤色發太微至北斗而滅太微禮樂之庭且有昭

德之舉而述宣王命是以帝車受之是月壬申有詔徵范陽盧玄等三十六人郡國察秀孝數百人且命以禮宣喻申其出處之節明年六月上伐北燕舉燕十餘郡進圍和龍徙豪傑三萬餘家以歸四年八月金入太微亦君自將兵象明年正月庚午火入鬼占曰秦有死君四月巳丑太白晝見為不臣其後秦王赫連昌叛走伏誅之應也

延和元年七月有大流星出參左肩東北入河乃滅參主兵攻晉

魏墟也山河所首推之大兵將發于魏以加燕國八月癸未太白

犯心前星乙酉又犯心明堂占曰有亡國近期二年十一月有流

星大如甕尾長二十餘丈奔君之象比歲連兵東討至太延二年

三月燕後主馮文通去國奔高麗元十四月犯左角五月掩斗七月月食左角皆占曰兵大起其後征西將軍金崖安定鎮將

延普涇州刺史狄子玉爭權崖及子玉舉兵攻普不克據胡空谷反平西將軍陸侯討獲之

三年三月丙辰金晝見在參魏邦戒也閏月戊寅金犯五諸侯占

曰四滑起官兵起亂疑巳丑月入井犯太白占曰兵起奮戰秦邦

受之七月上幸隰城詔諸軍討山胡白龍入西河九月克之伏誅

者數千人而宋大將軍彭城王義康方擅威福後竟幽廢是歲二月庚午月犯

畢口而出因暈昂及五車占曰太延元年五月月犯右執法九月火犯太微上將又犯左執法十

月丙午月犯右執法二年二月月犯東蕃上相三月月及太白俱

犯右執法及上相三年八月火犯左執法及上將五年二月木逆

行犯執法皆大臣謫也元年十月左僕射安原謀反誅三年正月

征東大將軍中山王纂太尉北平王長孫嵩鎮南大將軍丹陽王

叔孫建皆薨其後宋大將軍義康坐徙豫章誅其黨與僕射殷景

仁亦尋卒焉元年五月彗出軒轅二年正月月犯火月后妃也三年七月木犯軒轅至五年七月月掩垣星並女主謫也直君元年太后竇氏祖宋氏皇后亦終或曰彗出

軒轅女主有為寇者其後沮

梁氏火國實公主潛啟魏師

二年五月壬申有星孛于房占曰名山崩有亡國八月丁亥木入

鬼守積尸十一月辛亥又犯鬼鬼秦分天戒若曰涼君淫奢無度財力窮矣將喪國身為戮焉

二年正月四年十一月月皆犯并亦為秦有兵刑

三年正月壬午有星晡前晝見東北在井左右色黃大如橘魏師之應也黃星出于燕墟而慕容氏滅今復見東井涼室亡乎四年四月巳酉華山崩華山西鎮也天又若曰星孛于房既有徵矣鎮傾而國從之先是元年十二月金犯羽林二年十二月至四年十一月火再入之五年五月太書見胃昴入羽林遂犯畢畢又邊兵也六月上自將西征秋八月進圍姑臧九月丙戌沮渠牧犍帥文武將吏五千餘人面縛來降明年悉定涼地

或曰星孛于房為大臣之事又饑祥也火入鬼犯軒

轅又稼穡不成自元年已來將相荒尤眾至真君元年州鎮十五盡飢

四年十月壬戌大流星出文昌入紫宮聲如雷天象若曰將相或以全師禦衛帝宮者其事密近有震驚之象焉明年六月帝西征

詔大將軍黎敬等帥眾二萬屯漠南以備暴寇九月蠕蠕乘虛犯塞遂至七介山京師大駭司空長孫道生等并力拒之虜乃退走是月壬午有大流星出紫微入貫索長六丈餘占曰有大君之命貫索賤人牢也明年帝命侍臣行郡國觀風俗問其所疾苦云真君二年七月壬寅填星犯鉞鎮者國家所安危而為之綱紀者也其嬰鉞之戮而君及焉自元年十一月至此月歲星三犯房上相歲星為人君今反覆山之循省鈞鈐之備也天若戒輔臣曰涼邦卒滅敵國殫矣而猶挾震主之威負百勝之計盍思盈亢之戒乎是時司徒崔浩方持國鈞且有寵於上明年安西李順備五刑之誅而由浩鍛成之後八年竟族滅無後夫天哀賢良而示以明訓夙矣罕能省躬以先覺豈不悲哉浩誅之明年卒有景穆之禍後年而亂作

三年三月癸未月犯太白占曰大兵起合戰九月乙丑有星孛于天牢入文昌五車經昴畢之間至天苑百餘日與宿俱入西方天象若曰且有王者之兵彗除髦頭之域矣貴臣預有戮焉明年正月征西將軍皮豹子大敗宋師于樂鄉九月上北伐樂平王丕統十五將為左軍中山王辰統十五將為右軍上自將中軍蠕蠕可汗不敢戰亡追至頓根河虜二萬餘騎而還中山王辰等八將軍坐後期皆斬或曰彗由昂畢貴人多死十一月太保盧魯元堯五年二月樂平王丕薨

六年二月太白熒惑歲星聚于東井占曰三星合是為驚立絕行其國內外有兵與喪改立王公九月盧水胡蓋吳據杏城反僭署百官雜虜皆響從關內大震十一月將軍叔孫拔敗吳師于渭北至七年正月太白犯熒惑占曰兵起有大戰時上討吳黨於河東屠之遂幸長安二月吳軍敗績于杏城棄馬遁去復收合餘燼八

月乃夷之

五年五月月犯心六年四月又知之占曰兵犯宋耶是月太白入軒轅占曰有反臣是冬宋太子詹事范晔謀反誅詔高涼王那徇淮泗徙其入河北焉

九年正月火水皆入羽林占曰禁兵大起四月太白晝見經天十年五月彗星出於昴北此天所以滌除天街而禍髦頭之國也時歲討蠕蠕是秋九月上復自將征之所捕虜凡百餘萬矣是歲七月太白

犯哭星占曰天子有哭泣事明年春皇子眞薨

十年十月辛巳彗星見于太微占曰兵喪並興國亂易政臣賊主至十一年正月甲子太白晝見經天四月又知之占曰中歲而再干明兵事尤大且革人更王之應也是歲十月甲辰熒惑入太微十二月辛未又犯之癸卯又如之占曰臣將戮主君將惡之仍犯事荐也先是八年正月庚午月犯心大星九年正月犯歲星是歲九月太白又犯歲星至正平元年五月彗星見卷舌入太微卷舌讒言之戒六月辛酉彗星進逼帝座七月乙酉犯上相拂屏出端

門滅于翼軫辛酉直陰國疑翼軫為楚邦于屏者蕭牆之亂也天象若曰夫膚受之譖寔為亂階卒至芟夷主相而專其大號雖南國之君由遷及焉先是去年十月上南征絕河十二月六師涉淮登瓜步山觀兵騎士六十萬列屯三千餘里宋人兇懼饋百牢焉是年正月盡舉淮南地俘之以歸所夷滅甚眾六月帝納宗愛之言皇太子以彊死明年二月愛殺帝于永安宮左僕射蘭廷等以建議不同見殺愛立吳王余為主尋又賊之荐災之驗也開歲宋太子劭坐蠱事泄亦殺其君而僭立劭弟武陵王駿以上流之師討平之滅於翼軫之徵也先是十年八月犯熒惑八月至十一月又犯軒轅是歲正月太白經天九月火犯太微十月宗愛等伏誅高宗踐

作至十一月錄尚書元壽尚書令長孫湛侯以爭權賜死太尉

高宗興安二年二月有星孛于西方占曰凡孛者非常惡氣所生也內不有大亂外且有兵至興光元年二月有流星大如月西

行占曰奔星所墜其野有兵光盛者事大先是京兆王杜元寶建康王崇濟南王麗濮陽王閻文若永昌王仁相次謀反伏誅是歲宋南郡王義宣及魯爽臧質以荆豫之師構逆大將王玄謨等西討盡夷之或曰彗加太微翼軫之餘禍也春秋星之大變或災連三國之君其流災之所及二十餘年而後弭至是彗于天庭二太子首亂三君為戮侯王辜死者幾數十人由此言之皇天疾威之誠不可不惕也

太安元年六月辛酉有星起河鼓東流有尾跡光明燭地河鼓為履險之兵負海之象也昭盛為人君之事星之所往君且從之間二歲帝幸遼西登碣石以臨滄海復所過郡國一年又尾迹之徵是歲五月火入斗斗主形命之養其後三吳若飢仍歲疾疫

二年夏四月熒惑犯太白占曰是謂相鑠不可舉事用兵成師以



出而禍其雄之象也明年宋將殷孝祖侵魏南鄙詔征南將軍皮豹子擊之宋軍大敗

惑曰金火合主喪事明年十月金又犯  
哭星十一月征東將軍中山王托真薨

三年十一月熒惑犯房鉤鈴星是謂疆臣不御王者憂之至四年

正月月入太微犯西蕃三月又犯五諸侯占曰諸侯大臣有謀反

伏誅者是月太白犯房月入南斗皆宋分占曰國有變臣為亂十

一月長星出於奎色白蛇形有尾跡既滅變為白雲奎為徐方又

魯分也占曰下有流血積骨明年宋兗州刺史竟陵王誕據廣陵

作亂宋主親戎自夏涉秋無日不戰及城陷悉屠之

四年八月熒惑守畢直微垣之南占曰歲饑至五年二月又入東

井占曰旱兵饑疫大臣當之六月太白犯鉞占曰兵起更正朔是

歲二月司空伊馱薨十二月六鎮雲中高平雍秦饑旱明年改年

還 是歲三月流星數萬西行占曰小流星百數四面行者  
庶人遷之象既而吐谷渾舉國西遁大軍又遷臨之

四年九月月犯軒轅十二月犯氏至五年正月月掩軒轅又掩氏

東南星皆后妃之府也和平元年正月丁未歲犯鬼鬼為死喪歲

星人君也是為君有喪事三月月掩軒轅四月戊戌皇太后崩於

壽安宮 宋志云人間宣言人主唯簡不修故謫見軒轅又五年十一月月犯左執法明年十一  
月又犯之占曰大臣有憂和平二年征東將軍河東王閼毗薨十月廣平王洛侯薨

和平元年十月有長星出於天倉長丈餘饑祥也二年三月熒惑

入鬼是謂稼穡不成且曰萬人相食其後定相阻饑宥其田租時

三吳亦仍歲凶旱死者十二三先是元年四月太白犯東井井鬼

皆秦分雍州有兵亂自元年六月月犯心大星三犯前後于房心

宋分時宋君虐其諸弟後宮多喪于女繼天哭泣之聲相再是歲

詔諸將討雍州叛氏大破之宋雍州刺史海陵王休茂亦稱兵作

亂間歲而宋主殂嗣子浹昏政刑紊焉 先是元年十月太白入氏占曰兵起後  
宮有白衣會三年五月歲星犯上將占

曰上將憂之三年八月月犯哭星皆宋祥也是  
歲樂良王萬壽及征東大將軍常山王素並薨

二年三月辛巳有長星出天津色赤長匹餘滅而復出大小百數  
天津帝之都船所以渡神通四方光大且衆爲人君之事天象若  
曰是將有千乘萬騎之舉而絕逾大川矣是月發卒五千餘通河  
西獵道後年八月帝校獵于河西宋主亦大閱舟師巡狩江右云  
二年九月太后犯南斗斗吳分占曰君死更政大臣有誅者十一  
月太白犯填填女君也且曰有內兵白衣會至三年九月火犯積  
尸占曰貴人憂之斧鉞用十月太白犯歲星歲爲人君而以兵喪  
干之且有死君篡殺之禍是月熒惑守軒轅占曰女主憂之宮中  
兵亂十一月歲入氏氏爲正寢歲爲有國之君占曰諸侯王有來  
入宮者五年二月月入南斗魁中犯第四星占曰大人憂太子傷  
宮中有自賊者又大赦旣而宋孝武及宋后相繼崩殂少主荐誅

輔臣讜連戚屬羣下相與殺之而立宋明帝江南大饑且仍有肆

肯之令焉

先是三年六月太白犯東井七月火入井四年五月金火皆犯上相五年六月火  
又入井占曰大臣憂斧鉞用六年七月月犯心前星是月宋殺少主其後有乙滯

五年七月丁未歲星守心心爲明堂歲爲諸侯爲長子入而守之  
立君之象占曰凡五星守心皆爲宮中亂賊羣下有謀立天子者  
七月巳酉有流星長丈餘入紫微經北辰第三星而滅占曰有大  
喪九月丁酉火入軒轅十一月長星出織女色正白彗之象也女  
主專制將由此始是以天視由之長星彗之著易政之漸焉冬熒  
惑入太微犯上將十二月遂守之占曰公侯謀上且有斬臣六年  
正月乙未有流星長丈餘自五車抵紫宮西蕃乃滅天象若曰羣  
臣或脩霸刑而于蕃輔之任矣且占曰政亂有奇令四月太白犯  
五諸侯占曰有專殺諸侯者五月癸卯上崩于太華殿車騎大將

軍乙渾矯詔殺尚書楊寶年等于禁中戊申又害司徒平原王陸麗明年皇太后定策誅之太后臨朝自馮氏始也或曰心爲宋分是歲六月歲星晝見于南斗斗爲天祿吳分也天象若曰或以諸侯干君而代奪之是冬宋明帝以皇弟踐阼孝武諸子舉兵攻之四方響應尋皆伏誅有太白之刑與歲星之祐焉是歲三月有流星西行不可勝數至明乃止六月巳卯又有流星多西南行星衆而小庶人象也星之所首人將從之及宋討孝武諸子大兵首自尋陽進平荆雍其後張永之師敗績于呂梁魏師盡舉淮南俘其人又西南行之效也

顯祖天安元年正月戊子太白犯歲星歲農事也肅殺于之是爲稼穡不登六月熒惑犯鬼占曰旱饑疾疫金革用八月丁亥太白犯房占曰霜雨失節馬牛多死九月甲寅熒惑犯上將太白犯南斗第二星占曰貴人將相有誅者十一月巳酉太白又犯歲星或曰歲爲諸侯太白血兵刑之政再干之事存也是歲九月州鎮十一旱饑十月宋氏六玉皆戮死明年宋師敗于呂梁江南阻饑牛

且大疫其後東平王道符擅殺副將及雍州刺史據長安反詔司空和其奴討滅之九月詔賜六鎮孤貧布帛宋主以後官服御賜

征北將士後歲夏旱河決州鎮二十七皆饑尋又天下大疫元年六月太白

犯左執法十月火又犯之占曰大臣有憂霸者之刑用是歲六月月犯井十月又掩之皇典元年正月月犯井北轅第二星八月又蝕之占曰貴人當之有將死水旱祥也道符作亂之明年司空和其奴太幸李峻皆薨

皇興元年四月太白犯鎮星占曰有攻城略地之事六月壬寅太白犯鬼秦分也二年正月太白犯熒惑占曰大兵起是時鎮南大將軍尉元征南大將軍慕容白曜略定淮泗明年徐州羣盜作亂元又討平之後歲正月上黨王觀西征吐谷渾又大破之

二年九月癸卯火犯太微上將占曰上將誅先是元年六月熒惑犯氐是歲十一月太白又犯之是爲內宮有憂逼之象占曰天子失其宮四年十月誅濟南王慕容白曜明年上迫於太后傳位太

子是為孝文帝

宋志以為先是比年月頻犯左角占曰天子惡之及上遜位而宋明帝亦殂

高祖延興元年十月庚子月入畢口畢魏分占曰小人罔上大人易位國有拘主反臣十二月辛卯火犯鈎鈴鈎鈴以統天駟火為內亂天象若曰人君失馭或以亂政乘之矣乙巳鎮星犯井天井者天下之平也而女君以干之是為后竊刑柄占曰天下無主大人憂之有過賞之事焉二年正月月犯畢丙子月犯東井庚子又如之占曰天下有變令貴人多死者

三年八月月犯太微又羣陰不制之象也是時馮太后宣淫于朝昵近小人而附益之所費以鉅萬億計天子徒尸位而已二年九月河間王閭虎皮以貪殘賜死其後司空東平郡王陸麗坐事廢為兵既而宮車晏駕

或曰月入畢口為赦令二年正月曲赦京師及秦梁諸鎮星及月犯井皆為水災且旱祥也是歲九月州鎮十一水旱詔免其田租

開倉賑之

四年九月巳卯月犯畢七月丙申太白犯歲星在角丁卯太白又入氏太白有母后之幾主兵喪之政以干君於外朝而及其宿宮是將有劫殺之虞矣二月癸丑月犯軒轅甲寅又犯歲星月為彊大之臣為主女之象始由后妃之府而干少陽之君示人主以戒敬之備也五年三月甲戌月掩填星天象若曰是又僻行不制而棄其紀綱矣且占曰貴人彊死天下亂三月癸未金火皆入羽林占曰臣欲賊主諸侯之兵盡發八月乙亥月掩畢十一月月入軒轅食第二星至承明元年四月月食尾五月巳亥金火皆入軒轅庚子相逼同光皆后妃之謫也天若言曰母后之釁幾貫盈矣人君忘祖考之業慕匹夫之孝其如宗祀何是時獻文不悟至六月暴崩實有酖毒之禍焉由是言之皇天有以覩履霜之萌而為之成象久矣其後文明皇太后崩孝文皇帝方脩諒陰之儀篤孺子

之慕竟未能述宣春秋之義而懲供人之黨是以胡氏循之卒傾魏室豈不哀哉或曰太白犯歲於天門以臣伐君之象金火同光又兵亂之徵時宋主昏狂公侯近戚冤死相繼既而桂陽建平王並稱兵內侮矢及宮闕僅乃戡之尋為左右楊玉夫等所殺或曰月犯歲鐘金火入軒轅皆謹祥也月掩畢主邊兵四年州鎮十三飢又比歲蝗旱太和元年雲中又飢開春賑之先是四年四月丙午有大旱西流駭服有聲十一月辛未又如之是歲五月宋桂陽王反于江州間歲沈攸之反于江陵皆為大兵西伐時以江南內携又詔五將伐蜀

太和元年五月庚子太白犯熒惑在張南國之次也占曰其國兵喪並興有軍大戰人主死壬申水土合于翼皆入太微主令不行之象也占曰女主持政大夫執綱國且內亂羣臣相殺九月丁亥太白晝見經天光色尤盛更姓之祥也二年九月火犯鬼占曰主以淫泆失政相死之三年三月月犯心心為天王又宋分二月填星逆行入太微留左掖門內占曰土守南宮必有破國易代逆行

者專逆也自元年三月至二年六月月行五犯太微與劉氏篡晉同占又自元年八月至三年五月月行六犯南斗入魁中斗為大人壽命且吳分是時馮太后專政而宋將蕭道成亦擅威福之權方圖劉氏宋司徒袁粲起兵石頭沈攸之起兵江陵將誅之不剋皆為所殺三年四月竟篡其君而自立是為齊帝是年五月又害宋君于丹陽宮又元年十月月犯昴為刑獄事二年六月月犯房占曰貴人有誅者或曰月犯斗亦大臣之謫也其後李惠伏誅宜都長樂王並賜死又元年二月壬戌月在并暈參畢兩河五車占曰太赦至八月大赦天下三年正月壬子又暈皆參畢五車東井至十月大赦天下三年自五月至十二月月三入斗魁中四年五月庚戌七月己巳又如之六年二月又犯斗魁第二星占曰其國大人憂不出三年七月丁未十月丙申月再犯心大星自四年正月至六年二月又五千之斗為爵祿之柄心為布政之官月行于而輔之亦以荐矣其占曰月犯心亂臣在側有亡君之戒人主以善事除殃是時馮

太后將危少主者數矣帝春秋方富而承事孝敬動無違禮故竟得无咎至六年三月而齊主廋焉或曰日月犯斗其國兵憂心又豫州也時比歲連兵南討五年二月大破齊師于淮陽又擊齊下蔡軍大敗之

先是三年八月金化軒轅四年二月又犯軒轅第一星六年正月又犯軒轅大星八月又犯軒轅左角左角后宗也是時太后淫亂而幽后之姪娣又將薄德天若言曰是無周南之風不足訓也故月太白擊之

三年九月庚子太白犯左執法十一月丙戌月犯之四年二年辛巳月又犯之九月壬戌太白又犯之五年二月癸卯月犯太微西蕃上將至六年十月乙酉熒惑又犯之夫南宮執法所以糾淫忒成肅雍而上將朝廷之輔也天象若曰王化將弛淫風幾興固不足以及天下矣而廷臣莫之糾弼安用之文明太后雖獨厚幸臣而公卿坐受榮賜者費亦巨億蓋近乎素餐焉其三年九月安樂王長樂下獄死隴西王源賀薨四年正月廣川王略薨襄城王韓

頽徙邊七月頓丘王李鍾葵賜死其後任城王雲中山王叔又薨

此年死黜相繼蓋天謫存焉

四年春月又掩火亦大臣死黜之祥也又此年月再犯昂亦為獄事與白衣之會也

五年九月辛巳填犯辰星干軫占曰為饑為內亂且有壅川溢水之變是歲京師大霖雨州鎮十二饑至六年七月丙申又大流星起東壁光明燭地尾長二丈餘東壁土功之政也是月發卒五萬通靈丘道十月巳酉有流星入翼尾長五丈餘七星中州之羽儀翼南國也天象若曰將擇文明之士使于楚邦焉明年員外散騎常侍李彪使齊始通二國之好焉

四年正月丁未月在畢量參井五章故祥也四月幸廷尉獄錄囚徒明年二月大赦是月月在翼有偏日暈侵五章東井軒轅北河鬼至北斗紫垣攝提六年正月癸亥月在畢量參兩肩五章胃昂畢至甲戌天下大赦江南嗣君即位亦大赦改元

七年六月庚午辰時東北有流星一大如太白北流破為三段十月巳亥星隕如虹是時太后專朝且多外嬖雖天子由倚附之故有干明之謫焉破而為三席勢者眾也昔春秋星隕如雨而羣陰

起霸其後漢成帝時日晦冥衆星行隕耀耀如雨而王氏之禍  
萌至是天妖復見又與元后同符矣

十年八月辰時有星落如流火三道戊寅又有流星出日西南一  
丈所西北流大如太白至午西破爲二段尾長五尺復分爲二入  
雲間仍見者事荐也後代其踵而行之以至於分崩離析乎先是  
七年十月有客星大如斗在參東似孛占曰大臣有執主之命者  
且歲旱糴貴十年九月熒惑犯歲星歲主農事火星以亂氣干之  
五稼旱傷之象也占曰元陽以饑人不安自八年至十一年黎人  
阻饑且仍歲災旱八年正月辛巳月在畢畢并歲星皆參五車占曰有故糴貴其年六月  
大放冬州鎮十五水旱人飢九年正月月在參畢皆參兩肩五車爲大  
故爲水戊申月犯星爲水祥也是歲冀定數州大水八  
有驚男女者京師及州鎮十三水旱傷稼明年大赦  
十一年三月丁亥火土合于南斗填爲履霜之漸斗爲經始之謀  
而天視由之所以爲大人之戒也占曰其國內亂不可舉事用兵

是時齊主持諸侯王酷甚雖酒食之饋猶裁之有司故天若言曰  
非所以保根固本以貽長代之謀也內亂由是興焉五月丁酉太  
白經天晝見庚子遂犯畢畢又邊兵也是時蠕蠕寇邊明年齊將  
陳達伐我南鄙陷灃陽間歲而齊君子子響爲有司所御遂憤怒  
而反伏誅及齊王殂而西昌侯篡之高武子孫所在碁布皆拱手  
就戮亦齊君自爲之焉十一年六月乙丑月犯斗丙寅遂犯建星亦圖始之謀也十二  
年七月月犯牛十三年六月又掩之明年八月又犯之牛主吳

分占曰國有憂大將戮  
亦江南兵僅之徵也

七月癸丑太白犯軒轅大星八月甲寅又犯之皆女君之謫也天  
象若曰軒轅以母萬物由后妃之母兆人也是固多穢復將安用  
之其物類之感又稼穡之不滋候也是歲年穀不登聽人出關就  
食明年州鎮十五皆大饑詔開倉賑乏間歲太后崩是歲月三人并金  
又犯之占曰陰陽

不和不爲水患且大旱其以連年  
亢陽而吳中比歲霖雨傷稼也

十二年三月甲申歲星逆行入氏甲申皆齊分也占曰諸侯王而升為天子者逆行者其事逆也先是去年十月歲辰太白合于氏是為驚亡絕行改立王公是歲四月月犯氏與歲同舍六月丁巳月又入氏犯歲星月為彊大之臣歲為少君也與歲同心內宮而干犯之彊宗擅命逼奪其君之象也再干之其事荐至

十三年三月庚申月犯歲十五年六月又犯之歲星不在宿宮是為彊侯之譴江南太子賢王相次薨歿既而齊武帝殂太孫幼冲

西昌輔政竟殺二君而篡之月再犯于氏及逆行之效也或曰月犯木

歲星輪不登又十二年正月戊戌月犯左角十一月丙寅又知之七月金又犯左角角為外朝且兵政也占曰不出二年天下有兵至子死大君惡之至十四年有子響誅問歲而齊室亂

十二年四月癸丑月火金會于井辛酉金犯火甲戌火水又俱入井皆雨暘失節萬物不成候也且曰王業將易諸侯貴人多死是歲月行四入氏十月辰星入之閏月丁丑火犯氏乙卯又入之占

曰大旱歲荒人且相食國易政君失宮遠期五年氏又女君之府也是歲兩雍及豫州旱饑明年州鎮十五大饑至十四年太后崩

時江南北連歲災雨至十七年有劫殺之禍誅死相踵焉是歲月三

年四月又犯之七月至十月再犯鍵閉占曰有亂臣不出三年伐其主自十二年六月至十四年八月再犯牛又再掩之凡六犯牛且掩之牛為吳越饑祥也畢魏分且曰貴人多死免者十二年九月司徒淮南王佗薨十二年光州人王泰反章武汝陰南安三王皆坐賊廢安豐王猛司空荀頰並薨十四年池豆于及庫莫奚頰犯寒京兆王廢為庶人



魏書卷一百五之四

天象志一第四

魏書卷一百五之四  
天象志一第四

太和十二年十一月戊午太白犯歲又犯火喪疾之祥占曰國無  
兵憂則君有白衣之會景寅火又犯木占曰內無亂政則主有喪  
戚之故十二月壬寅太白犯填占曰金爲喪祥后妃受之十三年  
二月熒惑犯填占曰火主凶亂女君應之皆文明太后之謫也先  
是十一年六月甲子歲星晝見十二月甲戌又晝見是歲六月又  
如之歲而麗于大明少君象也是時孝文有仁聖之表而太后分  
權以干冒之及帝春秋方壯始將經緯禮俗財成國風故此年女  
君之謫屢見而歲星齋盛至于不可掩奪矣且占曰木晝見主有  
白衣之會是歲九月丙午有大流星自五車北入紫宮抵天極有  
聲如雷占曰天下大凶國有喪官且空夫五車君之車府也天象

若曰是將以喪事有千乘萬騎而舉者大有聲其事昭盛至十四年三月填星守哭泣占曰將以女君有哭泣之事四月丙申火犯鬼喪祥也六月有大流星從紫宮出西行天象又曰人主將以喪事而出其宮八月太白皆犯軒轅九月癸丑而太皇太后崩帝哭三日不絕聲勺飲不入口者七日納管屨徒行至陵其反亦如之哀毀骨立柱而後起雖殊俗之前矯然知感焉自九月至于歲終凡四謁陵又荐出紫宮之驗也十四年十一月月犯填星十二月月犯軒轅十五年十月日犯填星又犯軒轅八月又犯之九月月掩填星十七年正月月又犯軒轅皆女君之象也是時林貴人以故事薨及馮貴人為后而其婦薨之至二十年竟坐廢黜以憂死幽后繼立又以淫亂不終十三年十二月戊戌填星辰星合于須女女齊吳分占曰是為雍沮主令不行且有陰親者至十四年三月庚申歲星守牛占曰其君不愛親戚貴人多喪又饑祥也是歲太白三犯熒惑十月太白入氏十一月有大流星從南行入氏甲申齊邦之物也金火相鑠

為兵喪為大人之謫天象若曰宿宮有兵喪之故盛大者循而殘之處其寢廟之中矣至十五年三月壬子歲犯填在虛三月癸巳木火土三星合宿于虛甲午火土相犯虛齊也占曰其國亂專政內外兵喪故立侯王九月乙丑太白犯斗第四星戊子有大流星起少微入南宮至帝坐主有盛大之臣乘賢以侮其君者且占曰大人易政至十七年正月戊辰金木合于危危亦齊也是為人君且懼兵喪之變四月戊子太白犯五諸侯占曰有擅刑以殘賊諸侯者至七月齊武帝殂西昌侯以從子干政竟殺二君而自立是為齊明帝於是高武諸子王侯數十人相次誅夷殆無遺育矣雖繼體相循實有準命之禍故天謫仍見云自十五年至十七年七月行七犯建星建星為忠臣之輔經代之謀又吳之分也十五年再犯牽牛十六年至十七年又四犯南斗是謂臣干天祿且曰大人多死者又十五年七月金入太微十七年火入太微官反臣之戒是歲月行四入太微十七年六入太微是歲凡十干之而齊君夷其宗室亦積忍酷甚也

十五年四月癸亥熒惑入羽林十六年二月壬子太白入羽林占曰天下兵起三月巳卯四月丙午五月甲戌十月辛卯月行皆入羽林十七年四月壬寅八月辛卯十二月辛巳又如之先是陽平王頥統十二將軍騎士七萬北討蠕蠕是歲八月上勒兵三十餘萬自將擊齊由是比歲皆有事于南方十五年三月掩單十一月又犯之十六年五月及七月月再入畢八月十一月又再犯之十七年八月又入畢畢為邊兵占曰貴人多死十五年六月濟陰王鬱賜死十七年南平王霄三老尉元皆死十八年安定王休死十九年司徒馮誕太師馮熙廣川王諧皆死十七年二月庚戌火土合于室室星先王所以制宮廟也熒惑天視填為司空聚而謀之其相宅之兆也且緯曰人君不失善政則火土相扶卜洛之業庶幾興矣是歲九月上罷擊齊始大議遷都冬十月詔司空穆亮將作董邈繕洛陽宮室明年而徙都之於是更服色殊徽號文物大備得南宮之應焉凡五星分野熒惑統朱鳥之宿而填以軒鼓寓之皆周鶉火之分室又并

州之分是為步白井州而經始洛邑之祥也

十七年二月丁丑太白犯井辛丑又犯鬼五月戊午晝見九月又如之是謂兵祥雍州也是月火木合于婁婁為徐州占曰其地有亂萬人不安八月辛巳熒惑入井占曰兵革起明年二月詔征南將軍薛真度督四將出襄陽大將軍劉昶出義陽徐州刺史元衍出鍾離平南將軍劉薛出南鄭皆兩雍徐方之分後年正月平南王肅大敗齊師于義陽降者萬餘巳亥上絕淮登八公山並淮而東及鍾離乃還至十九年六月庚申金木合于井七月火犯井三十一年十一月大敗齊師于沔北明年春復大破之下二十餘城於是悉定沔漢諸郡時江南偽立雍州於襄陽以總牧西土遺黎故與東井同候十八年四月甲寅熒惑入軒轅后妃之戒也是時左昭儀得幸方譖訴馮后上蠱而惑之故天若言曰夫膚受之微不可不察亦自我天視而降鑒焉至十九年三月月犯軒轅二十年七月辛巳又掩填星是月馮后竟廢尋以憂死而立左昭儀是為幽后明年追

廢林貞后爲庶人二十二年正月月又掩軒轅十一月又彗星起  
軒轅歷鬼南及天漢天又若曰是固多穢德宜其彗除矣行歷鬼  
又彊死之徵明年幽后賜死也十九年六月壬寅熒惑出于端門  
占曰邦有大獄君子惡之又更紀立王之戒也明年皇太子恂坐  
不軌黜爲庶人至二十一年十月壬午熒惑歲星合于端門之內  
歲爲人君火主死喪之禮而陳于門庭大喪之象也二十二年二  
月乙丑木火合于掖門內是夕月行逮之三月丙午木火俱出掖  
門外再合一相犯月行逮之后妃預有咎焉明年四月宮車晏駕  
夫太微禮樂之庭也時帝方脩禮儀正喪服以經人倫之化竟未  
就而崩少君嗣立其事復寢縉紳先生咸哀慟焉故天視奉而修  
之是以徘徊南宮蓋皇天有以著慎終歸厚之情或曰合于天庭  
南方有反臣之戒是時齊明帝殂比及三年而亂兵四交宮掖旣

而蕭衍戡之竟覆齊室云

二十二年十一月有流星照地至天津而滅占曰將有變  
船之攻人君以大衆行二十二年而南伐是歲之正月

有流星大如二斗瓶起貫索東北流光燭地經天格乃滅有聲如雷天格天子先驅也  
占曰國中貴人有死者且大赦至三月上南征不豫詔武衛元嵩請治陽賜皇后死

世宗景明元年四月壬辰有大流星起軒轅左角東南流色黃赤  
破爲三段狀如連珠相隨至翼左角后宗也占曰流星起軒轅女  
主後宮多讒死者翼爲天庭之羽儀王室之蕃衛彭城國焉又占  
曰流星于翼貴人有憂擊是時彭城王忠賢以懿親輔政借使  
世宗諒陰恭已而脩成王之業則高祖之道庶幾興焉而阿倚母  
族納高肇之譖明年彭城王竟廢後數年高氏又鳩于后而以貴  
嬪代之由是小人道長讒亂之風作矣夫天之風戒肇于履端之  
始而沒身不悟以傷魏道豈不哀哉或曰軒轅主后土之養氣而  
庇祐下人也故左角謂之少人焉天象若曰人將喪其所以致養  
幾至流亡離析矣是歲北鎮及十七州大饑人多就食云

是歲十二月  
癸未月彗大

微既而有白氣長一丈許南抵七星俄而月復暈北斗大角為君以兵自衛又放箭也且為立君之戒時蕭衍立少主於江陵改元大赦尋代金陵以長圍逼之又二年正月月暈并參蕭昇五車占曰實人死大赦是歲廣陵王

二年正月巳未金火俱在奎光芒相掩為兵喪為逆謀大人憂之野有破軍殺將奎徐方也三月丁巳有流星起五諸侯入五車至天潢散絕為三光明燭地五車所以輔衰替之君也流星自五諸侯干之諸侯且霸而脩兵車之命分而為二距之疑之君幾將並立焉魏收以為流星出五車諸侯有反者至五月咸陽王禧謀反賜死戊午填星在井犯鉞相去二寸占曰人君有戮死者時蕭衍起兵襄陽將討東昏之亂是月推南康王寶融為帝踐阼于江陵於是齊有二君矣至八月戊午金火又合于翼楚分也十一月甲寅金水俱出西方占曰東方國大敗時蕭衍已舉夏口平尋陽遂沿流而東東主之師連戰敗績於是長圍守之十二月齊將張稷斬東昏以降又戮主之徵至三年正月火

犯房北星光芒相接癸巳填星逆行守井北轅西星皆大臣賊主更政立君之戒也三月金水合于須女女齊分金水合為兵誅二月丁酉有流星起東井流入紫宮至北極而滅東井雍州之分衍憑之以興且西君之分使星由之以抵辰極是為禪受之命且為大喪是月齊諸侯相次伏誅既而西君錫命衍受禪于建康是為梁武帝戊辰而少主殂自二年至三年六月掩犯斗魁七月火犯斗皆吳分也時江南轉鼎畢天船大陵卷舌奎船為徐魯又放箭也且日多死喪三月青齊徐竟俄死萬餘人七月大赦三年八月月暈外青內黃轉鼎畢婁胃五車占曰貴人多死十一月月犯昂環月大傳陽平王丕薨後年正月大赦三年八月丙戌有大流星起天中北流大如二斗器占曰有天子之使出自中京以臨北方至四年九月壬戌有大流星起五車東北流占曰有兵將首于東北是歲二月辛亥三月丁未月再掩太白皆大戰之象也庚辰揚州諸將大破梁師于陰陵十一月左僕

射源懷以便宜安撫北邊明年二月又大破梁師于邵陵九月蠕  
蠕犯邊復詔源懷擊之

是歲七月月暈昴畢參井五車占曰旱大赦又再暈軒轅  
大微明年正月月暈五車東井兩河鬼填星是月大赦改元  
六月以九陽  
詔撤樂戒膳

正始元年正月戊辰流星如斗起相星入紫宮抵北極而滅夫紫  
宮后妃之內政而由輔相干之其道悖矣且占曰其象著大有非  
常之變至二年六月癸丑有流星如五斗器起織女抵室而滅占  
曰王后憂之有女子白衣之會往反營室釁歸後庭焉三年正月  
己亥有大流星起天市垣西貫紫蕃入北極市垣之西又公卿外  
朝之理也占曰以臣犯主天下大凶明年高肇欲其家擅寵乃鳩  
殺于后及皇子昌而立高嬪為后

先是景明四年七月太白犯軒轅大星至二  
年六月木犯昴占曰人君有白衣之會同上

三年六月丙辰太白晝見占曰陰國之兵彊八月梁師寇邊攻陷  
城邑秋九月安東將軍邢巒大破之宿豫斬將三十餘人捕虜數

萬十月甲寅月犯太白又大戰之象明年中山王英敗績于淮南

士卒死者十八九

又元年正月月暈胃昂畢五車戊午又暈五車東井兩河鬼填星二月  
甲申又暈昴畢參三年正月月暈大微軒轅皆為兵赦是月皇太子生

大赦  
天下

四年七月己卯有星孛于東北占曰是謂天譴大臣貴人有戮死  
者凡孛出東方必以晨乘日而見亂氣蔽君明之象也昔魯哀公  
十三年十一月有星孛于東方明年春秋之事終是謂諸夏微弱  
蠻夷遞霸田氏專齊三族擅晉卒以干其君明而代奪之陵夷遂  
為戰國天下橫流矣今孛星又見與春秋之象同天戒若曰是居  
太陽之側而干其明者固多穢德可彗除矣而君不悟衰替之萌  
將繇此始乎是歲高肇鳩后及皇子明年又譖殺諸王天下寃之  
肇故東夷之俘而驟更先帝之法累構不測之禍于明孰甚焉魏  
氏之孛亂自此始也

永平元年三月戊申熒惑在東壁月行抵之相距七寸光芒相及  
室壁四輔君之內宮人主所以庇衛其身也天象若曰且有重大  
之臣屏藩王室者將以讒賊之亂死於內宮又曰諸侯相謀三月  
癸未填星逆行太微在左執法西是為后黨持政大夫執綱而逆  
行侮法以啟蕭牆之內是月月犯畢六月又掩之占曰貴人有死  
者庚辰太白歲星合于柳柳為周分且占曰有內兵以賊諸侯八  
月京兆王愉出為冀州刺史恐不見容遂舉兵反以誅尚書令高  
肇為名與安樂王詮相攻于定州九月太師彭城王勳于禁中愉  
亦死之或曰柳豫州分所合之野謀兵有戰野拔邑事至十一月丙子流星起羽林南大如椀  
色赤有黑星東南引如一匹布橫北轅星占曰禁兵起所首召之是歲豫州人白早生  
殺刺史司馬悅以城降梁遣尚書邢  
繼擊之十二月繼接懸瓠斬早生

二年三月丁未有流星徑數寸起自天紀孛于市垣光芒燭地有  
尾跡長丈餘凝著天天象若曰政失其紀而亂加乎人浸以萌矣  
是將以地震為徵地震者下土不安之應也是月火入鬼距積尸  
五寸積尸人之精爽而炎氣加之疫祥也四月乙丑金入鬼去積  
尸一寸又以兵氣干之彊死之祥也踰逼者事甚鬼主驕亢之戒  
故金火荐災其人以警而懼之五月太白犯歲光芒相觸占曰兵  
大亂歲饑不出三年七月庚辰有流星起騰虵入紫宮抵北極而  
滅天戒若曰彼光後王道者疑以馭陰陽之變矣將有水旱之沴  
地震之祥而後災加皇極焉明年夏四月平陽郡大疫死者幾三  
千人平陽鬼星之分也秋州郡二十大水冀定旱饑四年胸山之  
役喪師殆盡其後繁時桑乾靈丘秀容鴈門地震陷裂山崩泉涌  
殺八千餘人延昌二年詔曰比歲山鳴地震于今不已朕甚懼焉  
至正月宮車晏駕七年十一月丙戌月掩畢火星至三年八月火犯積尸占曰貴人死又  
饑疫祥也比年水旱災疫是月中山王略薨明年春司徒廣陽王嘉薨

二年九月甲申歲星入太微距右執法五寸光明相及十二月乙

西逆行入太微掩左執法三年閏月壬申又順行犯之相去一寸保乾圖曰臣擅命歲星犯執法是時高肇方為尚書令故歲星反復由之所以示人主也天若言曰政刑之命亂矣彼居重華之位者盍將反復而觀省焉今雖厚而席之適所以為禍資耳且占曰中坐成刑遠期五年間五歲而肇誅四年四月庚午熒惑犯軒轅大星至五月入太微距右執法三寸光芒相接熒惑天視也始由軒轅而省執法之位其象若曰是居后黨而擅南宮之命君其降監焉其應與歲星同也

四年正月戊戌有流星起張西南行殷殷有聲入參而滅張河南之分參為兵事占曰流星自東方來至伐而止有來兵大敗吾軍有聲者怒也先是去年十一月月犯太白是歲又犯之在胃八月辛酉又犯之胃為徐方大戰之象也十月戊寅有大流星孛于羽林南流色赤珠落下入濁氣孛然而流王師潰亂之兆先是梁胸山鎮殺其將來降詔徐州刺史盧昶援之十二月昶軍大敗於淮

南淪覆十有餘萬

是歲七月乙巳有流星起北斗魁前西北流入紫宮至北極而滅占曰不出募年兵起且亡君戒是歲有胸山之役間歲而帝崩

四年十二月己巳歲星犯房上相相距一寸光芒相及至延昌元年三月丙申歲星在鈞餘東五寸距鍵閉三寸丙午又掩房上相天象若曰夫鈐鍵之轡君上所宜獨操非驂服所當共也先是高肇為尚書令而歲星三省執法是歲至升為司徒猶怏怏不悅而歲星又再循之所以示人主審矣間二歲而上崩肇亦誅滅或曰水與房合主喪水又元年二月月暈并鬼軒轅十月又暈并五車參畢皆水旱饑放之祥自元年二月不雨至六月雨大水二年四月庚子出絹十五萬匹賑河南饑人是夏州郡十二大水八月滅天下殊死二年四月庚午熒惑犯軒轅大星十月壬申月失行犯軒轅大星至延昌元年三月填星在氏守之九十餘日占曰有德令拜太子女主不居宮至十月立皇太子賜為父後者爵旌孝友之家至二年三月乙丑填星守房占曰女主有黜者以地震為徵地震者陰盈而失其性也四月丙申月掩填星七月戊午又如之是為后妃



有相遷奪者且曰女主死之時比歲地震至三年八月太白又犯軒轅十二月月掩熒惑皆小君之謫也時高后席寵凶悍雖人主猶畏之莫敢動搖故世宗胤嗣幾絕明年上崩后廢為尼降居瑤光寺尋為胡氏所害以厭天變也

延昌元年八月己未有流星起五車西南流入畢畢邊兵也占曰有兵車之事以所直名之至二年十一月戊午又有流星起五車西南統殷殷有聲憑怒者事盛也十二月己卯有流星西南流分而為二又偏師之象也至三年六月辛巳太白晝見占曰西兵大起有王者之喪十一月大將軍高肇伐蜀益州刺史傅豎眼出牝

巴平南羊祉出涪安西奚康生出綿竹撫軍甄琛出劔閣會帝崩旋師先是元年三月己酉木土相犯占曰人君有失地者將死之又曰先作事者敗兵必受其殃三年九月太白掩右執法是為大將軍有羅刑辟者先是二年二月梁郁洲人保玄明勳

大將張櫻來降及肇出征退亦就戮

元年三月乙未流星起太陽守歷北斗入紫宮抵北極至華蓋而滅太陽守所以弼承帝車大臣之象今使星由之以語天極之位臣執國命將由此始乎且占曰天下大凶主室其空先是去年八月至十月月再入太微是歲三月又如之十二月甲戌月犯火于太微占曰君死不出三年貴人奪權失勢二年三月辛酉熒惑又犯太微占曰天下不安有立君之戒九月丁卯入太微犯屏星明年正月而世宗崩於是王室遂卑政在公輔三年二月月暈畢星五車太白東井占主赦是月太白失行在天關北占有關梁之兵道不通明年正月肅宗立大赦天下二月梁將任太洪帥衆寇關城四年五月庚戌九月乙丑十月癸巳月皆犯太微中歲而驟于之疆臣不御執法多門之象也閏月戊午月犯軒轅又女主之謫十一月庚寅木火會于室相距一尺至甲午火徙居東北亦相距一尺室為後宮火與木合曰內亂環而營之或淫事干逼諸侯之象

占曰姦臣謀大將戮若有夷族之害以赦令除之先是三年九月太白犯執法是歲八月領軍于忠擅戮僕射郭祚九月太后臨朝淫放日甚至逼幸清河王懌其後羽林千餘人焚征西將軍張藹宅辜死者百數朝廷不能討於是大赦原羽林亦營室之故也魏收以為已犯大赦大臣有死者其後安定王薨月犯軒轅女主憂之其後皇太后高尼崩于瑤光寺營室又主七功也胡太后害高氏以厭天變乃以后禮葬之

四年十月太白犯南斗斗為吳分占曰大兵起先是三年四月有流星起天津東南流轆虛危天津主水事且曰有大衆之行其後梁造浮山堰以害淮泗諸將攻之是歲閏月有大彗星起七星南流色正赤光明燭地尾長丈餘歷南河至東井七星河南之分也流星出之有兵起施及東井將以水禍終之又占曰所與城等疑是時鎮南崔亮攻梁師于硤石明年二月鎮東蕭寶夤大破梁淮北軍九月淮堰決梁人十餘萬口皆漂入海

肅宗熙平元年三月丙子太白犯歲星十二月甲辰月犯歲星是謂彊盛之陰而陵少陽之君歲又諸侯也天象若曰始由內亂干之終以威刑及之是歲正月癸亥犯房四月庚子又逆行犯之癸卯月又犯房占曰天下有喪諸侯起霸將相戮十一月大流星起織女東南流長且三丈光明照地占曰王后憂之有女子白衣之會間歲高太后殂司徒國珍薨中宮再有喪事其後僕射于忠司徒任城王澄薨既而太后幽逼清河中山王戮死或曰月太白犯歲星僅神也天犯房陳兵蒲野有饑國且大赦又元年十二月月暈并紫參五車占曰水旱有赦至二年正月大赦十月幽冀滄瀛大饑是月月再暈畢參五車占曰饑赦明年幽州大饑死者數千人自正月不雨至六月是歲四夷反叛兵大出又赦改元

二年六月癸丑有大流星出河鼓東南流至牛十一月流星起河鼓色黃赤西南流長且三丈有光照地至神龜元年四月壬子有流星起河鼓西北流至北斗散滅河鼓鼓旗之應也故流星出之

兵出入之兵入昔宋泰始初大流星出自河鼓西南行竟夜有小星百數從之既而諸侯同時作亂至是三出河鼓秦州屬國羌及南秦東益氏皆反七月河州人却鐵忽與羣盜又起自稱水池王詔行臺源子恭及諸將四出征之朝廷多事故天應屢見云

神龜二年四月甲戌大流星起天市垣西東南流轆尾光明燭地天象若曰將作大眾而從后妃之事矣以所首名之是歲九月太后幸崧高或曰市垣所以均國風尾幽州也明年詔尚書長孫稚撫巡北蕃觀省風俗二月丙辰月在參畢并符與歲星五車占曰有死相且赦明年諸王多伏辜又大赦

二年八月己亥太白犯軒轅是月月又犯之至正光元年正月月又犯軒轅大星四月庚戌金火合于井相去一尺占曰王業易君失政大臣首亂將相戮死以用師大敗五月丙午太白犯月相距三寸占曰將相相攻秦國有戰七月太白犯角角天門也是為兵

及朝廷占曰有謀不成破軍斬將是月侍中元叉燭詔幽太后于北宮殺太傅清河王懌八月中山王熙起兵誅元叉不克遇害明春衛將軍奚康生謀討叉于禁中事泄叉死是冬諸將伐氏官軍敗績

正光元年九月辛巳有彗星光爛如火出于東方陰動爭明之異也感精符曰天下以兵相威以勢相乘至威疑亂起布衣從衡禍未庸息帝宮其空昔正始中天讒孛于東北是歲而攝提復周故天象若曰夫讒之亂萌有自來矣彗除之象今則著矣戰國之禍將由此作乎間三年而北鎮肇亂關中迹之自是姦雄鼎沸覆軍相踵其灾之所及且二十餘年而猶未弭焉梁志曰九月乙亥有星晨見東方光如火占曰國皇見有內難

急兵明年義州反乙亥去辛巳凡六日而北方觀之其氣益同矣始知其明以妖南國既又甚而布之以除魏邦

二年四月甲辰火土相犯於危十一月辛亥金土又相犯于危危

存亡之機太白司兵熒惑司亂而玄枵司人土下之所係命也三  
精游聚羣臣叶謀以濟屯復之運焉占曰天下方亂甲兵大起王  
后專制有虛國徒王至四年四月己未火土又相犯于室是謂後  
宮內亂且占曰欲殺主天子不以壽終或曰魏氏軒轅之裔填星  
之物也赤靈為母白靈為子經綸建國之命所以傳撥亂之君也  
其受之者將在并州與有齊之國乎其後太后淫昏天下大壞上  
春秋方壯誅諸佞臣由是鄭儼等竦懼遂說太后鳩帝既而余朱  
氏興于并州終啟齊室之運卜洛之業遂丘墟矣二年十月掩心大星  
至三年正月掩心距  
星四月丁丑又如之占曰亂臣在側  
五年間五歲而肅宗崩  
三年七月庚申有大流星如五斗器起王良東北流長一丈許王  
良主車騎且曰有軍涉河昭盛者事大是日月在昴北三寸十一  
月乙卯又如之是謂兵加匈奴且胡王之譴也先是蠕蠕阿奴瓌

失國詔北鎮師納之是歲八月蠕蠕後王來奔懷朔鎮問歲阿那  
瓌背約犯塞詔尚書令李崇率騎十萬討之出塞三千餘里不及

而還三年九月庚戌月暈胃星畢五車辛亥又暈之占曰闕二每赦至  
三年九月月在畢暈畢畢者終五車是歲夏大旱十二月大赦

三年二月丁卯月掩太白京師不見涼州以聞占曰天下大兵起  
涼州獨見災在秦也三月癸卯有大流星起西北角流入紫宮破  
為三段光明照地角星主外朝兵政流星由之將大出師之象若  
曰將以兵革之故王室分崩入抵紫宮天下大凶有虛國之象四  
月癸酉有大奔星歷紫微入北斗東北首光明燭地殷然如雷盛  
怒之象也皆以所直名之至四年八月乙亥月在畢掩熒惑又邊  
城兵亂之戒也十月乙卯太白入斗口距第四星三寸光芒相掩  
占曰大兵起將戮辱又吳分也五年正月沃野鎮人破落汗拔陵  
反臨淮王彧征之敗績于五原六月莫折大提反於秦雍州刺史

元志討之又大敗於隴東明年南方諸將頻破梁師至八月杜落  
周起上谷其後鮮于脩禮反定州王師比歲北征冀方大震既而  
葛榮承之竟陷河北五年二月月在參軍黃參五車東井熒惑八月又暈之  
閏月月在張翼再暈軒轅太微占曰兵起士卒多避走  
一日士卒大聚又皆散解也是時徵調驟起兵相蹈籍又有詔內外戒嚴將  
親征自二月至六月再大赦天下十月日在畢暈昂畢黃參後年春又大赦  
先是二年九月歲星犯左執法至三年正月癸丑又逆行犯之相  
去四寸光芒相及五月丙辰歲星又奄左執法是時宦者劉騰與  
元义叶謀遂總百揆之任故歲星反復由之與高肇同占至四年  
二月騰死义由是失援其年十一月庚戌歲星犯房上相相距二  
寸光芒相奄五年四月巳丑歲星又逆行犯之明年皇太后反政  
义遂廢黜昔高肇為尚書令而歲星三省之及升于上栢歲星亦  
再循之至是三犯執法而騰死再于上相而又敗曠宮之譴異代  
同符矣

孝昌元年五月太白犯軒轅八月在張角盛大占曰有彙酷之兵  
張河南也十二月火入鬼又犯之占曰大賊在大人之側后以淫  
泆失政又秦分也二年正月癸卯金木相犯於牛十一月戊申又  
相犯于女歲所以建國均人女為蠶妾牛為農夫天象若曰是將  
罹以寇戎而喪其耕織之務矣且曰有亂兵大戰而波及齊吳是  
歲八月甲申月在胃奄鎮星閏月癸酉又奄之三年正月戊辰又  
奄之是為女君有罹兵刑之禍者洵千之事甚而眾也又占曰天  
下大喪无主貴人兵死國以滅亡又二年三月奔星大如斗出紫  
微東北流光照地占曰王師大出邦去其君六月有奔星如斗起  
大角入紫宮而滅棟星以肆覲羣后而敷威令于四方也今大號  
由之以詔天極不以逆乎且有空國徙王之戒焉十月有星八月  
中而滅占曰入而無光其國卒滅星反出者亡國復立是歲四月

至三年九月熒惑再犯軒轅大星武泰元年正月又逆行復犯之  
占曰主命將失女君之象亂逆之災三月庚申月奄畢大星占曰  
邊兵起貴人多死者是時淫風滋甚王政盡弛自大河而北極關  
而西覆軍屠邑不可勝計既而蕭寶夤叛于雍州梁師驟伐淮泗  
連兵貴士萬姓嗷嗷喪其樂生之志矣是歲二月帝竟以暴崩四  
月余朱榮以大兵濟河執太后及幼主沈諸中流害王公以下二  
千遂專權晉陽以令天下焉三年正月癸酉月在井壘背參兩河  
五車七月大赦明年少主立又大赦  
莊帝永安元年七月癸亥太白犯左角相距四寸光芒相掩兵及  
朝廷之象占曰大戰不勝貴人有來者其謀不成至二年閏月熒  
惑入鬼犯積尸占曰兵起西北有鈇鉞之誅是歲北海王顥以梁  
師陷考城執濟陽王暉業乘虛逐勝遂入洛陽至七月王師大敗  
之顥竟戮死有謀不成之驗明年余朱天光擊反虜萬俟醜奴及

蕭寶夤于安定克之咸伏誅

二年十一月熒惑自鬼入太微西掖門犯上將出東掖門犯上相  
東行累日句已去來復逆行而西十二月乙丑月又掩之至三年  
正月癸未逆行入東掖門已丑月入太微熒惑辛卯月行太微  
中又暈之三月己卯在右執法北一尺五寸留十四日至壬辰月  
又掩之復順行而東四月戊午月又干太微而暈己未熒惑出端  
門在左執法南尺餘而東自魏興以來未有循環反復若此之荐  
也是時孝莊將誅權臣有興復魏室之志是以誠發於中而熒惑  
咨謀於上焉其占曰有權臣之戮有大兵之亂貴人以彊死而天  
下滅亡至五月己亥太白在參晝見參爲晉陽之墟天意若曰于  
明之釁於是乎在矣七月甲午有彗星晨見東北方在中台東一  
丈長六尺色正白東北行西南指丁酉距下台上星西北一尺而

晨伏庚子夕見西北方長尺東南指漸移入氐至八月己未漸見  
癸亥滅占曰彗出太階有陰謀姦宄與凡天事為之徵形以戒告  
人主始滌公輔之穢而彗除之權臣將滅之象再干太陽之明而  
後陵奪之逆亂復興之象也三月而見者變近亟也究于內宮者  
反仇其上也近期在衝遠期一年先是二月壬申有大流星相隨  
西北尾迹不絕以干計西北直晉陽之墟而微星庶人所以載皇  
極也人從而君從之是月戊戌有大奔星自極東貫紫宮而出影  
迹隨之遷君之應至九月上誅太原王榮上黨王天穆于明光殿  
是夕余朱氏黨攻西陽門不克退屯河陰十二月洛陽失守帝崩  
于晉陽白是南宮版蕩劫殺之禍相踵先是永安元年七月丙子  
十一月丙寅十二月癸巳月皆奄畢大星至二年三月乙卯月入  
畢口八月乙丑又距畢左股二寸光芒相奄須臾入畢口十二月

丙辰掩畢右股大星三年六月乙巳又犯畢大星八月庚申入畢  
口犯左股大星是月辛丑太白犯軒轅明年下又犯畢右股  
遂入之畢星所以建魏國之命也占曰天下不續其君大憂邊兵  
起上將戮月游干之事甚而眾及余朱兆作亂奉長廣王為主號  
年建明明年二月又廢之而立節閔六月高歡又推安定王為帝  
於信都復黜之後更立武帝於是三少王相次崩殂又洛陽再陷  
六宮汙辱有兵及軒轅之效焉永安二年十月望多十二月丁巳月皆在畢畢星  
南五車亢連環暈北斗大角織女十月又暈  
畢星皆參井五車是時肆赦之令歲月相踵  
節閔普泰元年五月辛未太白出西方與月並間容一指戰祥也  
先是去年十一月辛丑月在太白北不容一指占曰有破軍殺將  
主人不勝既而余朱氏南侵王師敗績至是又與月合幾將復之  
乎十月甲寅金火歲土聚于觜參甚明大晉魏之墟也且曰兵喪

並起霸君興焉是時渤海王歡起兵信都改元中興至十一月巳  
卯奔星如斗起太微東北流光明燭地有聲如雷占曰大臣有外  
事以所首事命之或曰中國失君有立王遷主著而有聲者盛怒  
也是時余朱氏成師北伐明年三月癸巳火逆行犯氐占曰天子  
失其宮閨月庚申歲星入鬼犯天尸占曰有戮死之君既而余朱  
兆等大敗于韓陵覆師十餘萬四月武帝卽位比及歲終凡殺三  
廢帝孝武永熙元年九月太白經天十一月辛丑有大流星出昴  
北東南流轆畢貫參光明照地有聲如雷天象若曰將有髦頭之  
兵憑陵塞垣與大司馬合戰明年正月丁酉渤海王歡追擊兆等  
于赤洪嶺大破之余朱氏殲焉

二年四月太白晝見九月丁酉火木合于翼相去一寸光芒相掩  
占曰是謂內亂姦臣謀人主憂甲寅金火合于軫相去七寸光芒  
相及占曰是謂相鏢不可舉事用兵翼軫南宮之蕃又荆州也

三年三月癸巳有奔星如三斛甕起匏瓜西流入市垣有光燭地  
迸流如珠尾跡數丈廣且三尺凝著天狀如蒼白雲須臾屈曲蛇  
行匏瓜爲陰謀星大如甕爲發謀舉事光盛且夫人貴而衆也以  
所首名之且爲天飾王者更均封疆是時斛斯椿等方說上伐高  
歡荆州刺史賀拔岳預謀焉高歡知之亦以晉陽之甲來赴七月  
上自將十餘萬次河橋望歡軍憚之不敢戰遂西幸長安至十月  
渤海王更奉孝靜爲主改元天平由是分爲二國更均封疆之應  
也是月歡命侯景攻荆州拔之勝南奔

是年三月庚子水逆行在左執法北一  
寸光相掩五月甲申又在執法西平  
寸乍見乍不見占曰強臣擅命改政建元十二月上崩由是高歡宇文泰擅權兩國又二年十一  
月乙丑三年八月庚午十二月庚申月皆在畢暈畢昴參五車自二年二月至明年正月東西魏  
比四  
太赦

三年五月巳亥熒惑逆行掩南斗魁第二星遂入斗口先是元年



十一月熒惑入斗十餘日出而逆行復入之六十日乃去斗大人  
之事也占曰中國大亂道路不通天下皆更元易政吳越之君絕  
嗣是歲東西帝割據山河遂為戰國比十月至正月梁魏三帝皆  
大赦改元或曰斗為壽命之養而火以亂氣干之耄荒之戒也是  
時梁武帝年已七十矣怠於聽政專以講學為業故皇天殷勤著  
戒又若言曰經遠之謀替矣將以逆亂終之而勦其天祿焉夫天  
懸而示之且猶不悟其後攝提復周卒有侯景之亂云三年十二月梁  
人立元慶和為  
魏王屯平瀨明年正月東南行臺元晏大破之六月豫州刺史竟雄又大破梁師於南頓十月梁  
攻陳父徐州刺史任祥又大破之斬虜萬餘級十二月柳仲禮寇荊州諸將又大破之時梁軍政  
益施故累有  
負敗之應

東魏孝靜天平二年有星孛于太微歷下台及室壁而滅南宮成  
周之墟孝文之餘烈也孛星由之易政徙王之戒天象若曰王城  
為墟夏聲幾變而台階持政有代奪之漸乎且抵于營室更都之

象也是後兩霸專權皆以北俗從事河南新邑遂為戰爭之郊間

三歲至興和元年九月發司州卒十萬營鄴都十月新宮成

天平元  
年閏月

月掩心大星二年八月又犯之相去七寸十一月又掩心小星相臣逼主之象且占曰人臣伐主  
應以善事除殃時兩維王業已定特以人臣取奪而已至興和二年八月月又犯心大星後數年  
而禪  
代

元象二年七月壬戌金土合于七星癸亥遂犯七星七星河南之  
分金而犯土將有封畿之戰且占曰其分亡地先是去年十二月  
癸丑太白食月是歲三月壬申太白又與月合相距一寸大戰之  
祥也月象彊大之國而金合之秦師將勝焉十二月有流星從天  
市垣西流長且一丈有尾跡三年正月渤海王歡攻夏州克之十  
月丁丑月犯火占曰大將有鬪死者十二月大都督竇泰入潼關  
明年宇文泰距擊斬之十月遂及渤海王歡戰于沙苑歡軍敗績  
捕虜萬餘是月獨孤信拔洛陽

三年十一月受惑犯歲星占曰有內亂臣謀主至四年正月客星出于紫宮占曰國有大變二月壬申八月癸未月再掩五車東南星占曰兵起道不通十一月太白晝見占曰軍興為不臣五年二月庚戌三月甲子填星逆順行再犯上相上相司徒也六月太白入東井占曰秦有兵大臣當之至元象元年七月太白在柳晝見柳河南也八月辛卯有大流星出房心北東南行長且三尺尾迹分為三段軍破為三之象也先是行臺侯景司徒高昶圍金墉西帝及宇文泰自將救之是月陳于河陰泰以中軍合戰大克司徒高昶死之既而左右軍不利西師由是敗績斬將二十餘人降卒六萬是月西帝大傅梁景獻據長安反關中大震尋皆伏誅元平三年元年二月月再掩軒轅大星是年西帝廢皇后乙氏立蠕蠕女為后明年五月火犯軒轅大星既而乙氏遇害其後蠕蠕后又死乙氏彙集元象元年十月月犯昴彗畢胃丁未在翼彗大星軒轅左前十一月在井彗五車

兩咸東西主凡三大赦

興和元年二月壬子火犯井占曰秦有兵亂貴人當之四月又入鬼亦兵喪之祥也又土地之分也至二年十一月甲戌太白在氏與填星相犯氏鄭地也至四年七月壬午火木合于井相去一尺占同天平明年北豫州刺史高仲密據武牢西叛宇文泰帥眾援之戊申及渤海王戰于邙山西軍大敗虜主侯將校四百餘人獲六萬餘級元年八月月在畢彗畢畢彗五車一年正月大赦二年正月至八月又再彗之歲東西主皆大赦後年三月高歡入朝以春冬元早請賑窮乏之死罪已下皆宥之先是元年十月辛丑有彗星出于南斗長丈餘至十一月丙戌距太白三尺長丈餘東南指二月乙卯至婁始滅占曰彗出南斗之士皆誅其上疑又吳分始自微末終成著大而與兵星合焉天戒若曰夫劫殺之萌其事由來漸矣而人君辨之不早終以兵亂橫流不可撲滅焉婁又徐方之次亂之所自招也至二月四月巳丑金木相犯于奎丙午火木又相犯于奎

鬼書百五十四

大

奎為徐方所以虞蹶防之寇也歲主建國之令而省人君之差敗  
火主亂金主兵三精洊而聚謀所以哀矜下土而示驅除之戒也  
是時梁主衰老太子賢明而不能授之以政焉由是領軍朱异等  
浸侵明福之權至武定五年侯景竊河南六州而叛又與連衡而  
附益之是歲十二月梁師敗績于彭城捕虜五萬餘級江淮之間  
始蕭然愁歎矣明年師大敗陷溺以十萬數景遂舉而濟江三吳  
大荒道殣流離者太半淮表二十六州咸內屬焉昔三精聚謀於  
危九年而高氏霸至是聚謀於奎而蕭氏亡亦天之大數云爾至  
武定二年四月丁巳熒惑犯南宮上將戊寅又犯右執法占曰中  
坐成刑金火尤甚四年四月庚午金晝見六月癸巳月入畢九月  
壬寅太白在左執法東南三寸許是為執法事五年正月月犯畢  
大星貴人之謫也先是九月大丞相歡圍玉壁不克是月歡薨于

晉陽辛亥侯景反僕射慕容紹宗擊之八月淮南三王謀反誅明

紹宗攻王思政于潁川竟溺

四年九月月在翼軫軒轅太微帝坐五年二月暈昴畢參井五車五月在張又暈軒轅太微時兵革屢動東西

帝皆比歲大赦

七年九月戊午月掩歲星在斗斗為天廟帝王壽命之期月由之  
以干歲星是為大人有篡殺死亡之禍是歲梁武帝以憂逼殂明  
年而齊帝後年西主文帝及梁簡文又終天下皆有大故而江表  
尤甚八年三月甲午歲鎮太白在虛虛齊分是為驚立絕行改立  
王公熒惑又從而入之四星聚焉五月丙寅帝禪位于齊是歲西  
主大統十六年也是時兩主立而東帝得全魏之墟於天官為正  
昔宋武北伐四星聚奎及西伐秦四星聚井四星聚參而渤海始  
霸四星聚危而文宣受終由是言之帝王之業其有徵矣其後六  
年西帝禪于周室天文史失其傳也

魏書卷一百六上

地形志二上第五

夏書禹貢周氏職方中畫九州外薄四海析其物土制其疆域此蓋王者之規摹也戰國分并秦吞海內割裂都邑混一華夷漢興卽其郡縣因而增廣班固考地理焉彪志郡國魏世三分晉又一統地道所載又其次也自劉淵石勒傾覆神州僭逆相仍五方淆亂隨所跨擅長更相侵食彼此不恒犬牙未足論繡錯莫能比魏定燕趙遂荒九服夷翦逋僞一國一家遺之度外吳蜀而已正光已前時惟全盛戶口之數比夫晉之太康倍而已矣孝昌之際亂離尤甚恒代而北盡爲丘墟嶠潼已西煙火斷絕齊方全趙死如亂麻於是生民耗滅且將大半永安末年胡賊入洛官司文簿散棄者多往時編戶全無追訪今錄武定之世以爲志焉州郡

魏書卷一百六上  
地形志二上第五

改隨而注之不知則闕內史及相仍代相泐魏自明莊寇難紛糾  
攻伐既廣啟土逾眾王公錫社一地累封不可備舉故總以為郡  
其淪陷諸州戶據永熙籍籍無者不錄焉

司州 治鄴城魏武帝國於此太祖天興四年置相州天平元年遷都改

領郡十二 縣六十五

戶三十七萬一千六百七十五

口一百四十五萬九千八百三十五

魏尹 故魏郡漢高祖置二漢屬冀州晉屬司州天興中屬相州天平初改為尹

領縣十三

戶一十二萬二千六百一十三

口四十三萬八千二十四

鄴 二漢屬晉天平初併蕩陰安陽屬之蕩陰太和中置關今罷有西門豹祠武城屬臨漳

鄴併內黃斥丘肥鄉置有鼓山肥鄉城邯鄲城斥丘城列人城鷓鴣陂林臺澤有左部東部北部尉繁陽 二漢屬晉屬頓丘真君六年併頓丘太和十九年復天平二年屬治繁陽城

列人 前漢屬廣平後漢屬晉屬廣平天平初屬昌樂 太和二十一年分魏置永安元 武安 二漢屬晉屬廣平 臨水 晉屬廣平真君六年併魏 魏 二漢屬晉屬 平邑 天平二年分元城置 易陽 二漢屬趙國晉屬廣平 元城 二漢屬鄴太和二十一年復屬 貴鄉 天平二年分館陶置治趙

平邑 天平二年分元城置 易陽 二漢屬趙國晉屬廣平 元城 二漢屬鄴太和二十一年復屬 貴鄉 天平二年分館陶置治趙

有沙鹿山 斥章 前漢屬廣平後漢屬鉅鹿晉屬廣平真君 武陽 二漢屬晉屬東郡 陽平 二漢屬東郡晉屬前漢清縣 繁陽 二漢屬晉屬頓丘真君六年併頓丘太和十九年復天平二年屬治繁陽城

城關 城 陽平郡 魏文帝黃初二年分魏置治館陶城

領縣八

戶四萬七千四百四十四

口十六萬二千七十五

館陶 二漢屬魏郡晉屬有館陶城 清淵 二漢屬郡晉屬有清淵城 樂平 二漢屬東郡晉屬前漢清縣後漢章帝更名治樂平城 繁陽 二漢屬晉屬頓丘真君六年併頓丘太和十九年復天平二年屬治繁陽城 武陽 二漢屬晉屬東郡 陽平 二漢屬東郡晉屬前漢清縣

武城 永安中置天平元年 武陽 二漢屬晉屬東郡 陽平 二漢屬東郡晉屬前漢清縣

嘉後併樂平太和二十一年後屬有陽平城崗城趙簡子陵武溝水白馬淵

廣平郡

漢武帝為平十國宣帝改為廣平國後漢建武中省屬鉅鹿魏文帝黃初二年復改治曲梁城

領縣六

戶二萬三千七百五十

口十萬三千四百三

平恩

二漢屬魏郡晉屬治平恩城有康寧

曲安

景明中分平恩置治曲安城

邯鄲

二漢屬趙國晉屬後屬魏真君六年屬有紫山

廣平

前漢屬鉅鹿晉屬後羅太和二十年復治廣平城

汲郡

晉武帝置治城頭

曲梁

前漢屬後漢屬魏晉屬

廣年

前漢屬後漢屬鉅鹿晉屬永嘉後廢太和二十年復治廣年城

領縣六

戶二萬九千八百八十三

口十萬二千九百九十七

北修武

孝昌中分南修武置治清陽城有清陽泉馬泉丁公神有河陶

南脩武

二漢屬河內晉屬有黃家吳城

汲

二漢屬河內晉屬後羅太和十二年復治汲城有比干墓太宜陽城

朝歌

二漢屬河內晉屬有朝歌城在

方城大方山洪水白溝水

山陽

二漢晉屬河內後屬有沁陽城南北二武陽城

廣宗郡

太和十一年立尋罷孝昌中復

領縣三

戶一萬三千二百六十二

口五萬五千八百九十七

廣宗

後漢屬鉅鹿晉屬安平中與中立南北

武強

真君三年併信都太和二十一年復有武城

併南宮

後漢屬鉅鹿晉屬安平中與中立南北

武強

真君三年併信都太和二十一年復有武城

東郡

秦置治滑臺城晉改為濮陽後復天興中置兗州太和十八年改

領縣七

戶三萬五百二十一

口十萬七千七百一十七

**東燕**

二漢屬晉屬濮陽後屬有燕城堯祠伍子胥祠

**平昌**

孝昌四年分白馬置治平昌城

**白馬**

二漢屬晉屬濮陽後屬有朝溝白馬樊城凡豪城

**涼城**

城南中城

**酸棗**

二漢晉屬陳留後屬有酸棗城肺山白沙淵望氣臺玉馬淵

**長垣**

二漢晉屬陳留後屬真君八年併外黃景明五年復有平丘城巨城蒲城子路祠長垣城衛靈公祠龍城

**北廣平郡**

武泰初分涼城置有盤水安中分廣平置

**領縣三**

戶一萬六千六百九十一

口九萬一千一百四十八

**南和**

前漢屬廣平後漢屬鉅鹿晉屬後併任太和二十年復有左陽亭沙陵南和城一名嘉和城安豐城

**任**

前漢屬廣平後漢屬鉅鹿晉屬有廣平鄉城宛鄉城豐城張相祠

**襄國**

秦為信都項羽更名二漢屬趙國晉屬後併任太和二十年復有襄國城

**林慮郡**

永安元年置

**領縣四**

戶一萬三千八百二十一

口五萬二千三百七十二

**林慮**

二漢屬河內晉屬汲郡前漢各陸慮後漢避殤帝各改焉真君六年併鄴太和二十一年復有陵陽河東流為垣

**臨淇**

天平初分朝歌林慮共縣置有王莽嶺源河東

流為淇有黎川帖

**共**

二漢屬河內晉屬汲天平中屬有星城凡城卓水

**頓丘郡**

晉置武

**領縣四**

戶一萬七千一十二

口八萬七千六十三

**頓丘**

太和中併汲郡餘民在畿外者景明中置有魚陽學帝頡頏冢帝學冢

**衛國**

二漢屬東郡晉屬漢口觀後漢光武改有衛國城衛康叔冢子路冢蒯聩冢孔悝冢衛輒冢

**濮陽郡**

晉置天興中屬兗州太和十二年屬齊州孝昌末又屬百兗天平初屬

**領縣四**

戶一萬八千六百六十四

口五萬五千五百一十二

廩丘

前漢屬東郡後漢屬濟陰晉屬有羊角哀左伯桃冢管公明冢

濮陽

二漢屬東郡晉屬

城陽

二漢晉屬濟陰後屬有瓠子河雷澤

鄆城

二漢屬濟

陰音屬

黎陽郡

孝昌中分汲郡置治黎陽城

領縣三

戶一萬一千九百八十

口五萬四百五十七

黎陽

二漢晉屬魏郡後罷孝昌中復屬有黎陽山

東黎

永安元年分黎陽置

頓丘

二漢屬東郡晉屬頓丘太和十八年屬汲後屬永安元年分入內黃天中罷

清河郡

漢高帝置

領縣四

戶二萬六千三十三

口十二萬三千六百七十

清河

二漢晉屬前漢曰厓後漢安帝改為甘陵晉改有河城

貝丘

二漢晉屬

侯城

太和十三年置有侯城

武城

二漢晉曰東武城屬後改有武城有

開閣

定州

太祖皇始二年置安州天興三年改

領郡五

縣二十四

戶一十七萬七千五百一

口八十三萬四千二百七十四

中山郡

漢高帝置景帝三年改為國後改

領縣七

戶五萬二千五百九十二

口二十五萬五千二百四十二

盧奴

州郡治二漢屬世祖神麋中置新城官有焉卿城樂陽城

上曲陽

前漢屬常山後漢屬晉屬常山真君七年併新市景明元年復屬有樂城有恒山嘉山黑山堯山

山魏昌

二漢晉屬前漢曰苦陘後漢章帝改為漢昌魏文帝改有魏昌城安城

新市

二漢晉屬有蘭相如冢義臺城新市城

毋極

二漢屬晉罷太和十二年



復治毋極城 **安喜** 一漢晉屬前漢曰安險後漢章帝改有天井澤安喜城趙堯祠 **唐** 二漢晉屬有左人城

**常山郡** 漢高帝置曰恒山郡文帝諱恒改為常山後漢建武中省真定郡屬焉孝章建初中為淮陽永元二年復

領縣七

戶五萬六千八百九十

口二十四萬八千六百二十二

**九門** 二漢晉屬有常山城九門城有安樂壘燕趙神受陽壘明臺神 **真定** 前漢屬真定國後漢晉屬故東垣漢高帝十一年改有趙朔祠 **行唐** 二漢晉曰

後改太和十四年置唐郡二十一年罷郡立熙平中移犢乾城治唐城 **蒲吾** 二漢晉屬有嘉陽城 **靈壽** 二漢晉屬有所山西王母祠慈水 **井陘** 二漢晉屬有回星城

**石邑** 前漢屬後漢罷晉復屬石邑城

**鉅鹿郡** 秦道後漢建武中省黃平國屬焉

領縣三

戶二萬七千一百七十二

口一十三萬二百三十九

**曲陽** 二漢晉屬趙國曰下曲陽後改有臨平城真鄉城曲鄉城有堯祠青丘 **高城** 前漢屬真定後漢屬晉能 **郟** 二漢晉屬有

有西門趙君神有青丘牛丘黃丘馳丘壘丘

**博陵郡** 漢桓帝立

領縣四

戶二萬七千八百一十二

口一十三萬五千七

**饒陽** 前漢屬涿後漢屬安平晉屬有魯曰城博陵城三良神饒陽城 **安平** 前漢屬涿後漢屬安平晉屬治安平城有樓女貴人神 **深澤** 前漢屬涿後漢屬安平晉

屬二漢晉曰南深澤後改有女媧神祠 **安國** 二漢屬中山晉曰真若七年併深澤景明二年復有鹽石淵安國城

**北平郡** 孝昌中分中山置治北平城

領縣三

戶一萬三千三十四

口六萬五千一百二

**蒲陰** 二漢晉屬中山前漢曰曲逆章帝改 **北平** 二漢晉屬中山有北平城木門城 **望都** 二漢晉屬中山有高昌城朝陽城伊

祁山有堯神孫山

**冀州** 後漢治高邑袁紹曹操為冀州治鄴魏晉治信都晉世邵續治厭次慕容垂治信都皇始二年平信都仍置

領郡四 縣二十一

戶一十二萬五千六百四十六

口四十六萬六千六百一

**長樂郡** 漢高帝置為信都郡景帝二年為廣川國明帝更名樂成安帝改曰安平晉改

領縣八

戶三萬五千六百八十三

口十四萬三千一百四十五

**堂陽** 前漢屬鉅鹿後漢晉屬安平國後屬有荆丘 **棗強** 前漢屬清河後漢罷晉復屬廣川神瑞二年併廣川太和二十二年後屬有棗棗城 **扶柳** 前漢屬

屬安平國真君三年併堂陽景明元年復 **索盧** 晉屬廣川神瑞二年併廣川太和二十二年復屬有索盧城 **廣川** 前漢屬後漢屬清河晉屬廣川後屬 **南宮** 前漢

屬後漢晉屬 **信都** 二漢晉屬有武陽城安城辟陽城 **下博** 二漢晉屬

**渤海郡** 漢高帝置世祖初改為滄水郡太和二十一年復

領縣四

戶三萬七千九百七十二

口一十四萬四百八十二

**南皮** 一漢晉屬有渤海城 **東光** 二漢晉屬前漢屬號脩後改有董仲舒祠 **安陵** 晉置渤海

**武邑郡** 晉武帝置

領縣五

戶二萬九千七百七十五

口一十四萬四千五百七十九

**武遂** 前漢屬河間後漢晉屬安平後屬 **阜城** 前漢屬渤海後漢屬安平晉屬渤海後屬有弓高城 **灌津** 前漢屬信都後漢晉屬安平後屬有竇氏冢 **武邑**

前漢屬信都後漢晉屬安平後屬 **武強** 神光二年併武邑太和十八年復有武強淵

安德郡 太和中置尋併渤海中興中後

領縣四

戶二萬二千二百一十六

口六萬八千三百九十六

平原 二漢晉屬真君三年併潯太和二十一年復屬渤海後屬 安德 二漢晉屬平原後屬渤海後屬 釋幕 二漢晉屬清河真君三年併

潯 二漢晉屬平原後屬渤海後屬治臨齊城

并州 漢晉治晉陽晉末治臺壁後治晉陽皇始元年平仍置

領郡五

縣二十六

戶一十萬七千九百八十三

口四十八萬二千一百四十

太原郡

領縣十

戶四萬五千六

口二十萬七千五百七十八

晉陽 二漢晉屬真君九年罷榆次屬焉有介子推祠西南有懸壘山一名龍山晉水所出東入汾有晉王祠梗陽城同過水出木瓜嶺一出沾嶺一出大嶽山一出原過祠下五水合道故曰同過西南入汾出帝永昌中霸朝置 郿 二漢晉屬有郿城郿奚墓 榆次 二漢晉屬真君九年復有鹿臺山祠長 中都 二漢晉屬有榆次城壽陽 郿 二漢晉屬後罷太和十九年復有中 平

逢 二漢晉屬平陶屬後改治 長安 太常二年置真君中省景 陽邑 二漢晉屬真君九年罷景明二年 受陽 晉屬樂

上黨郡 秦置治壺關城前漢治長子城董卓作亂治壺關城慕容儁治安民城後遷壺關城皇始元年遷治安民真君中復治壺關有白馬祠劉公祠上黨關石井關天井關

領縣五

戶二萬五千九百三十七

口一十萬四千四百七十五

屯留

二漢晉屬有屯留城鳳凰山一名天冢山大王山上有關龍逢祠有疑山蓮澤黃沙嶺絳水自寄氏界來入濁漳因名交漳余五城陽水源出三槐山東流合車臺水東南入絳水

長子

二漢晉屬慕容永所郡有廉山濁漳出焉有長子城應城傾城幸城長灣水東流至梁川

頭山水北流入

壺關

二漢晉屬後魏太和十三年復有羊腸坂靜林山鷄鳴嶺一名大山有赤

濁漳有鮑宣墓

寄氏

二漢晉屬晉景明元年復改有倚氏城三想山北有水源出蒲谷東南流

龍祠

寄氏

入給水有人禮泉上黨谷有盤秀嶺藍水出其南東流入濁漳有方山伏牛山

鄉郡

石勒分上黨置武鄉郡後魏延和二年置

領縣四

戶一萬六千二百一十

口五萬五千九百六十一

陽城

二漢晉屬上黨曰涅永安中改有涅襄垣二漢晉屬上黨有五音鄉郡治晉屬上黨

樂平郡

後漢獻帝置真君九年治太原孝昌二年復治沾城

領縣三

戶一萬八千二百六十七

口六萬八千一百五十九

遼陽

晉屬真君九年併鄉孝昌二年復有黃澤嶺遼陽城樂平晉屬真君九年併治孝昌二年復有象山祠沾嶺八賦嶺石艾前漢屬太原後能

襄垣郡

建義元年置治襄垣城

領縣四

戶七千五百一十三

口三萬六千五百六十七

襄垣

郡治建義元年分鄉郡之襄垣置有安民城襄垣城五原建義元年分鄉郡之銅鞮置建義元年分上黨之屯

瀛州

太和十一年分定州河間高陽冀州章武浮陽置治趙都軍城

領縣三

領縣三

戶十萬五千五百四十九

口四十五萬一千五百四十二

高陽郡 晉置高陽國後改

領縣九

戶三萬五百八十六

口十四萬一百七

高陽 前漢屬涿後漢屬河間國晉復有郝神高陽城 博野 有博陸城侯城 蠡吾 前漢屬涿後漢屬中山晉屬有易 易

前漢屬涿漢晉一 扶輿 前漢屬涿後漢罷晉復屬前漢 新城 二漢晉曰北新城前漢 樂鄉 前漢屬信都後漢罷

晉後屬有樂鄉城 永寧 有班姬神 清苑 高祖太和元年分新城置

章武郡 晉置章武國後改

領縣五

戶三萬八千七百五十四

口十六萬二千八百七十

成平 前漢屬渤海後漢屬河間國 平舒 前漢屬渤海後漢屬河間國晉屬一漢晉曰 東州 後屬治京城有平城樂平城

前漢屬渤海後漢屬河間國晉屬有東州城 文安 前漢屬渤海後漢屬河間國晉 西章武 正光中分滄州章武置有章武城

河間郡 漢文帝置河間國後漢光武併信都

領縣四

戶三萬五千八百九

口十四萬八千五百六十五

武垣 前漢屬涿郡後漢晉 樂城 二漢晉屬治河間城 中水 前漢屬涿郡後漢晉屬 鄭 後漢晉屬

屬有武垣城小陵城 殷州 孝昌二年分定相二州置治廣阿

領郡三

縣十五

戶七萬七千九百四十三

口三十五萬七千一十六

**趙郡**

秦邯鄲漢高帝為趙國景帝又為邯鄲後漢建武中復後改

領縣五

戶三萬一千八百九十九

口一十四萬八千三百一十四

**平棘**

二漢屬常山晉屬有平棘城

**房子**

二漢屬常山晉屬有房子城回車城平州城漳洪祠

**元氏**

二漢屬常山晉屬有元氏城大嶺山

**高邑**

二漢屬常

**鉅鹿郡**

永安二年分定州鉅鹿置治舊楊城

領縣四

戶一萬三千九百九十七

口五萬八千五百四十九

**廩陶**

二漢晉屬治廩陶城有沃州城

**宋子**

二漢屬後罷永安二年復治宋子城

**西經**

永安二年分經縣置有邑城三女神

**廩逢**

永安二年分廩陶置治楊

城有歷城

**南趙郡**

太和十一年為南鉅鹿屬定州十八年屬相州後改孝昌中屬

領縣六

戶三萬二千四十六

口十五萬一百一十三

**平鄉**

晉屬後罷景明二年復治鉅鹿城有平鄉城

**南樂**

二漢屬鉅鹿晉罷後復真君六年併南樂城

**鉅鹿**

二漢晉屬鉅鹿後屬

**人**

二漢晉屬有栢城栢鄉城

**廣阿**

前漢屬鉅鹿後罷太和十三年復有廣阿城堯臺大陸陂銅馬祠

**中丘**

前漢屬常山後漢晉屬趙國晉罷太和二十一年復有

**滄州**

熙平二年分瀛冀二州置治饒安城

領郡三

縣十二

戶七萬一千八百三

口二十五萬一千八百七十九

浮陽郡

太和十一年分渤海章武置屬州景明初併章武熙平二年復

領縣四

戶二萬六千八百八十

口九萬八千四百五十八

饒安

二漢晉屬渤海前漢曰千童靈帝改有無棣溝西鄉茅焦家

浮陽

郡治二漢晉屬渤海西接漳水入焉今謂之合口有浮水

高城

二漢晉屬渤海治高

城有平津鄉與中縮流民立東西河郡隰城縣武定末罷

章武

二漢屬渤海晉屬章武後屬治章武城有漢武帝臺漳水入海有沾水大家姑祠俗云海神或云麻姑神

樂陵郡

晉為國後改

領縣四

戶二萬四千九百九十八

口八萬五千二百八十四

樂陵

郡治二漢屬平原後屬魏初置義興郡晉太和中罷有樂陵城東鄉城白麻泉神

陽信

二漢屬渤海晉屬治陽信城有鹽山神祠

厭次

二漢屬平原後漢曰富平

孝明改晉屬治馬領城有蒲臺祠有富城郡續居之號郡城中有鐵柱神羊關城

濕沃

前漢屬千乘國後罷晉復屬治亂城有故閭閣延鄉城后父城

安德郡

中興初分樂陵置太昌初罷天平初復治般界

領縣四

戶一萬九千九百二十五

口六萬八千一百二十七

般

二漢晉屬平原後屬渤海熙平中屬樂陵後屬治般城有故般河

重合

二漢晉屬渤海正平元年併安陵太和十八年復後屬渤海熙平中屬樂陵後屬治重合城有苑康冢傍

敬通

前漢屬渤海後罷孝昌中復屬有歐陽欽冢

平昌

二漢晉屬平原後漢晉曰西平昌後罷太和二十二年復屬渤海熙平中屬樂陵後屬治平昌城

肆州

治九原天賜二年為鎮真君七年置州

領郡三

縣十一

戶四萬五百八十二

口一十八萬二千六百二十三

永安郡

後漢建安中置新與郡永安中改

領縣五

戶二萬二千七百四十八

口一十萬四千一百八十五

**定襄**

前漢屬定襄後漢屬雲中晉屬新興真君七年併雲中九原晉昌屬焉永安  
**陽曲**二漢屬

太原永安中屬有

**平寇**真君七年併三堆朔方定陽屬焉  
**蒲子**始光三年置真君七年併平

**驢夷**

二漢屬太原曰慮虎晉罷太和十年復改永安中屬有思陽城驢夷城倉城代王神祠

**秀容郡**

永興二年置真君七年併肆盧敷城二郡屬焉

領縣四

戶一萬一千五百六

口四萬七千二十四

**秀容**

永興二年置有秀容城原平城肆盧城  
**石城**永興二年置肆盧  
治新會城真君七年併三會屬焉有清天

**鴈門郡**

秦置光武建武十五年罷二十七年復天興中屬司州太和十八年屬

領縣二

戶六千三百二十八

口二萬四百三十四

**原平**

前漢屬太原後漢晉屬有陰館城  
**廣武**前漢屬太原後漢晉屬有東西二平原

**幽州**

治薊城

領郡三

縣十八

戶三萬九千五百八十

口一十四萬五百三十六

**燕郡**

故燕漢高帝為燕國昭帝改為廣陽郡宣帝更為國後漢光武併上谷和帝永元六年復為廣陽郡晉改為國後改

領縣五

戶五千七百四十八

口二萬二千五百五十九



蕪陵二漢屬廣陽晉屬有燕昭王廣陽二漢屬廣陽晉屬有廣陽城良鄉二漢屬涿晉屬范陽後屬軍都

前漢屬上谷後漢屬廣陽晉屬有觀石山軍都關口平城

安城前漢屬勃海後漢屬廣陽晉屬有安次城棗道城

領縣七

戶二萬六千八百四十八

口八萬八千七百七

涿二漢屬涿晉屬有涿城當平城鷺城固安二漢屬涿晉屬有固安城范陽二漢屬涿晉屬有長棗鄉晉屬

方城前漢屬廣陽後漢屬涿晉屬有臨鄉城方城韓侯城容城前後漢屬涿晉屬道二漢屬涿晉屬有

漁陽郡秦始皇置真君七年併北平郡屬焉

領縣六

戶六千九百八十四

口二萬九千六百七十

雍奴二漢屬晉屬燕國後屬真君七年併泉州屬有泉州城雍奴城潞二漢屬晉屬燕國後屬真君七年併安樂平谷屬蓋有樂山神無終二漢屬晉屬北

山城復漁陽二漢屬晉屬後復有漁陽城有築城桃花山土垠二漢屬晉屬石北平徐無二漢屬晉屬石北平

晉州孝昌中置唐州建義元年改治白馬城

領郡十二

縣三十一

戶二萬八千三百四十九

口一十萬三千九

平陽郡晉分河東置真君四年置東雍州太和十八年罷改置

領縣五

戶一萬五千七百三十四

口五萬八千五百七十二

禽昌二漢屬河東晉屬即漢晉之北屈也神麴元年世祖禽赫連昌仍置禽昌郡真君二年改七年併永安屬焉有乾城郭城平陽二漢屬河東晉屬真君七年併禽昌

襄陵二漢屬河東晉屬治襄陵城臨汾二漢屬河東晉屬真君七年併泰平太和十一年復泰平真君七年置有

太和十一年復有晉承

高粱城龍子城堯廟

秦平城  
齊城

北絳郡 孝昌三年置治絳

領縣二

戶一千七百四十

口六千二百九十二

新安 二漢屬恒農晉屬河南後罷孝昌二年復後屬 北絳 二漢屬河東晉屬平陽二漢晉曰絳後罷太和十二年復改屬

永安郡 建義元年治永安城

領縣二

戶二千九百三十二

口一萬五百四十

永安 一漢屬河東晉屬平陽前漢曰柔順帝改真君七年併禽昌正始二年復屬治仇池壁有霍山祠趙城 楊 二漢屬河東晉屬平陽後罷太和二十一年復後屬治楊城

岳陽山  
東明神

北五城郡 興和二年置

領縣三

戶二百一十二

口八百六十四

平昌 興和二 石城 興和二 北平昌 興和一

定陽郡 興和四年置

領縣三

戶四百九十八

口一千九百四十一

平昌 興和四年置

西五城 興和四年置

敷城郡 天平四年置

領縣一

戶九十

口三百五十九

敷城 天平四年置

河西郡 天平四年置

領縣一

戶二百五十六

口一千一百四十四

夏陽 天平四年置

五城郡 天平中置

領縣三

戶四百一十一

口一千六百一十八

北棗 天平二年置 南棗 天平二年置 永安 元象元年置

西河郡 舊汾州西河民孝昌二年為胡賊所破遂居平陽界遂置郡

領縣三

戶一千七百六十一

口四千九百九十七

永安 孝昌中置 隰城 孝昌中置 介休 孝昌中置

冀氏郡 建義元年割平陽郡置

領縣二

戶一千三百二

口五千三百一十六

冀氏 建義元年割禽昌襄陵置有冀氏城 合陽 建義元年置有合陽城

南絳郡

建義初置  
治會交川

領縣二

戶八百三十六

口二千九百九十一

南絳

太和十八年置屬  
正平郡建義初屬

小鄉

建義元年罷  
有小鄉城

義寧郡

建義元年置  
治派遠城

領縣四

戶二千四百七十八

口八千四百六十六

團城

建義元年置  
治陶谷川

義寧

建義元年  
分禽昌置

安澤

建義元  
年置

沁源

建義元年  
置郡治

懷州

天安二年置太和十  
八年罷天平初復

領郡二

縣八

戶二萬一千七百四十

口九萬八千三百一十五

河內郡

漢高  
帝置

領縣四

戶九千九百五

口四萬二千六百一

野王

二漢晉屬州郡治  
有太行山華岳神

沁水

二漢晉屬治沁  
城有沁水濟水

河陽

二漢晉屬後  
罷孝昌中復  
軹城右軹關

武德郡

天平初分  
河內置

領縣四

戶一萬一千八百三十五

口五萬五千七百一十四

平臯

二漢晉屬河內有平  
臯坡平臯城安昌城

温

二漢晉屬河  
內有温沮水

懷

二漢晉屬河內  
有長陵城懷城

州

二漢晉屬河內有  
雍城中都城金城

建州

慕容永分上黨置建興郡真君九年省和平五年復永安中罷郡置州治高都城

領郡四

縣十

戶一萬八千九百四

口七萬五千三百

高都郡

永安中置

領縣二

戶六千四百九十九

口二萬七千六百三十五

高都

二漢晉屬上黨後屬

陽阿

二漢屬上黨晉罷後復屬有武斬關

長平郡

領縣二

戶五千四百一十二

高平

永安中置治高平城

玄氏

二漢晉屬上黨郡治有羊頭城

口二萬二千七百七十八

安平郡

領縣二

戶五千六百五十八

口一萬九千五百五十七

端氏

二漢屬河東晉屬平陽後屬

濩澤

二漢屬河東晉屬平陽後屬

泰寧郡

孝昌中置及縣

領縣四

戶一千三百三十五

口五千三百三十

東永安

西河

西濩澤

高延

汾州

延和三年為鎮太和十二年置州治蒲子城孝昌中陷移治西河

領郡四

縣十

戶六千八百二十六

口三萬一千二百一十

西河郡

漢武帝置晉亂罷太和八年復治茲氏城

領縣三

戶五千三百八十八

口

隰城

二漢晉屬太延中改為什星軍太和八年復有虞城陽城

介休

二漢屬太原晉屬晉亂罷太和八年復有木瓜山鄆城有郭林宗墓介休城太岳山祠

永安

吐京郡

真君九年置孝昌中陷寄治西河

領縣二

領縣二

戶三百八十四

口一千五百一十三

新城

世祖名嶺東太和二十一年改

吐京

世祖名嶺西太和二十一年改

五城郡

正平二年置孝昌中陷寄治西河

領縣三

戶二百五十七

口一千一百一

五城

世祖名京軍太和二十一年改有鷄亭

平昌

世祖名刑軍太和二十一年改有白馬谷

石城

世祖為定陽太和二十一年改

定陽郡

舊屬東雍州延興四年分屬焉孝昌中陷寄治西河

領縣二

戶七百九十七

口三千二百八

定陽

延興四年置昌寧

有陰陽二城

東雍州

世祖置太平初復

領郡三

縣八

戶六千二百四十一

口三萬四百

邵郡

皇興四年置祿上郡太和

中併河內孝昌中改復

領縣四

戶五十二

口一百五十八

白水

有馬頭山清廉山

葛平

有王屋山西太平

高涼郡

領縣二

戶四千四百四十五

口二萬一千八百五十三

高涼

太和十一年分龍門置龍門

故皮氏二漢屬河東晉屬平陽真君七年改屬有臨汾城

正平郡

故南太平神麋元年改

為征平太和十八年復

領縣二

戶一千七百四十四

口八千三百八十九

聞喜

二漢晉屬河東曲沃

太和十一年置

安州

皇興二年置治方城天平中

有元象中寄治幽州北界

領郡三

縣八

戶五千四百五

口二萬三千一百四十九

密雲郡 皇始二年置 治提橋城

領縣三

戶二千二百三十一

口九千一十一

密雲 真君九年併 方城屬焉 襄陽 前漢屬密陽後漢晉 罷後復置桃花山 白檀郡

廣陽郡 延和元年置益州 真君二年改為郡

領縣三

戶二千八

口八千九百一十九

廣興 延興二年置真君 九年併恒山屬 燕樂 州郡治延和九年置 真君九年併水樂 方城 普泰元 年置

安樂郡 延和元年置交州 真君二年罷州置

領縣二

戶一千一百六十六

口五千二百一十九

土垠 真君九年 年置 安市 漢晉屬遼東真君 九年併營平屬焉

義州 興和二年置齊 治汲郡陳城

領郡七

縣十九

戶三千四百二十八

口一萬六千七百六十四

五城郡 永安中置屬司州天平中 屬北豫州武定五年屬

領縣三

戶二千一百

口一萬七千六十九

隰城 永安中置有鳳皇 臺安郎神皇侯神 介休 永安 中置 五城 永安 中置



泰寧郡 興和中置

領縣三

戶二百二十八

口一千一百二十七

泰寧 興和中置 義興 興和中置 邵陽 興和中置

新安郡 興和中置

領縣三

戶三百九十四

口一千五百九十五

西垣 興和中置 新安 興和中置 東垣 興和中置

澠池郡 興和中置

領縣三

戶一百六十六

口八百二十八

北澠池 興和中置 俱利 興和中置 西新安 興和中置

恒農郡 興和中置

領縣三

戶九十三

口五百四十三

恒農 興和中置 北郊 興和中置 嶠 興和中置

宜陽郡 興和中置

領縣三

戶一百六十九

口六百八十六

宜陽 興和 中置 南澗池 興和 中置 金門 興和 中置

金門郡 興和 中置

領縣一

戶二百七十八

口一千二百一十七

北陸 興和 中置

南汾州

領郡九

縣十八

戶一千九百二十二

口七千六百四十八

北吐京郡

領縣四

戶八十八

口三百五十一

平昌 北平昌 石城 吐京

西五城郡

領縣三

戶二百四十七

口一千一百一十八

西五城 昌寧 平昌

南吐京郡

領縣一

戶三十二

口七十三

新城

西定陽郡

領縣一

戶四十二

口一百四十

洛陵

定陽郡

領縣一

戶五十四

口一百九十

永寧

北鄉郡

領縣二

戶二百九

口七百五十九

龍門

汾陰

五城郡

領縣二

戶二百一十四

口八百八十四

五城

平昌

中陽郡

領縣二

戶四百六十八

口一千六百二十七

洛陵 昌寧

龍門郡

領縣二

戶五百七十八

口二千四百九十六

西太平 汾陽

南營州 孝昌中營州陷永熙二年置寄治英雄城

領郡五

縣十一

戶一千八百一十三

口九千三十六

昌黎郡 永興中置

領縣三

戶五百九

口二千六百五十八

龍城 永熙中置 廣興 永熙中置 定荒 興和中置

遼東郡 永熙中置

領縣二

戶五百六十五

口二千六百三十四

太平 永熙中置 新昌 永熙中置

建德郡 永熙中置

領縣二

戶一百七十八

口八百一十四

石城永熙中置廣都興和中置

營丘郡天平四年置

領縣三

戶五百一十二

口二千七百二十七

富平天平四年置永安元象中置帶方元象中置

樂良郡天平四年置

領縣一

戶四十九

口二百三

永樂興和二年置

東燕州太和中分恒州東部置燕州孝昌中陷

領郡三 縣六

戶一千七百六十六

口六千三百一十七

平禺郡孝昌中陷

領縣二

戶四百五十

口一千七百一十三

方言天平中置昌平天平中置

上谷郡天平中置

領縣二

戶九百四十二

卷之五十一

三十一

口三千九十三

平舒

孝昌中陷天平中置

居庸

孝昌中陷天平中置

徧城郡

武定元年置

領縣二

戶三百七十四

口一千五百一十三

廣武

武定元年置

沃野

武定元年置

營州

治和龍城大延二年為鎮真君五年改置永安末陷天平初復

領郡六

縣十四

戶一千二十一

口四千六百六十四

昌黎郡

晉分遼東置真君八年併蓋陽屬焉

領縣三

戶二百一十六

口九百一十八

龍城

真君八年併柳城昌黎棘城屬焉有堯祠榆垣城狼水

廣興

真君八年併徒何永樂燕昌屬焉有鷄鳴山石城大柳城

定荒

正光末置有鹿頭山松山

建德郡

真君八年置治白狼城

領縣三

戶二百

口七百九十三

石城

前漢屬右北平後屬真君八年併遼陽路大樂屬焉有白鹿山祠

廣都

真君八年併白狼建德望平屬焉有金紫城

陽武

正光末置有三合城

遼東郡

秦置後罷正光中復治固都城

領縣二

戶一百三十一

口八百五十五

襄平

二漢晉屬後罷正光後有青山 新昌 二漢晉屬後罷正光中復

樂良郡

前漢武帝置二漢晉曰樂浪後改罷正光末復治連城

領縣二

戶二百一十九

口一千八

永洛

正光未置帶方二漢屬晉屬帶方有鳥山 後罷正光末復屬

冀陽郡

真君八年併昌黎武定五年復

領縣二

戶八十九

口二百九十六

平剛

柳城

營丘郡

正光未置

領縣一

戶一百八十二

口七百九十四

富平

正光未置 永安 正光未置

平州

晉置治肥如城

領郡二

縣五

戶九百七十三

口三千七百四十一

遼西郡

秦置

領縣三

戶五百三十七

口一千九百五

肥如

二漢晉屬有孤竹山祠禡石  
武王祠今支城黃山濡河

陽樂

二漢屬真君七年併今支合資屬  
焉有云歷山覆舟山林榆山太真山

海陽

二漢晉屬有橫

山新婦  
山清水

北平郡

秦置

領縣二

戶四百三十

口一千八百三十六

朝鮮

二漢晉屬樂浪後罷延和元年  
徙朝鮮民於肥如復置屬焉

新昌

前漢屬涿後漢晉屬  
遼東後屬有盧龍山

恒州

天與中置司州治代都平城太和中改孝  
昌中陷天平二年置寄治肆州秀容郡城

領郡八

縣十四

代郡

秦置孝昌中陷  
天平二年置

領縣四

平城

二漢晉屬  
雁門後屬

太平

武周

二漢屬雁門  
晉廢後復屬

永固

善無郡

天平二  
年置

領縣二

善無

前漢屬雁門後  
漢屬定襄後屬

沃陽

梁城郡

天平二  
年置

領縣二

參合

前漢屬代後漢  
晉罷後復屬

桓鴻

一本作  
祗鴻

繁峙郡

天平二  
年置

領縣二

崞山

二漢晉曰崞屬  
雁門後改屬

繁峙

二漢晉屬  
雁門後改屬

高柳郡

永熙  
中置

領縣二



安陽二漢曰東安陽屬代郡晉屬後改屬高柳二漢屬代郡晉屬後復屬

領縣二

靈丘前漢屬代後漢晉屬後復屬莎泉

內附郡天平二年置

靈丘郡天平二年置

朔州本漢五原郡延和二年置為鎮後改為懷朔孝昌中改為州後陷今寄治并州界

領郡五

縣十三

大安郡

領縣二

狄那 捍殊

廣寧郡

領縣二

石門 中川

神武郡

領縣二

尖山 殊頽

太平郡

領縣三

太平 太清 永寧

附化郡

領縣四

附化 息澤 五原 廣牧

雲州舊置朔州後陷永熙中改寄治并州界

領郡四

盛樂郡 永熙中置

縣九

領縣二

歸順 永興中置州郡治 還安 永熙中置

雲中郡 秦置

領縣二

延民 永興中置 雲陽 永熙中置

建安郡 永熙中置

領縣二

永定 永熙中置 永樂 永熙中置

真興郡 永熙中置

領縣三

真興 永熙中置 建義 永熙中置 南恩 永熙中置

蔚州 永安中改懷荒御夷二鎮置寄治并州鄠縣界

領郡三

縣七

始昌郡 永安中置

領縣二

于門 永安中置 蘭泉 永安中置

忠義郡 永安中置

領縣二

葦池 永安中置 楊柳 永安中置

附恩郡 天平中置

領縣三

西涼 天平中置 利石 天平中置 化政 天平中置

顯州 永安中置治汾州六壁城

領郡四

縣四

定戎郡 永安中置治瓜城

領縣二

零山 永安中置 陽林 永安中置

建平郡 永安中置州治

領縣二

昇原 永安中置 赤谷 永安中置

真君郡 天平中置治東多城

武昌郡 武定四年置治團城

廓州 武定元年置治肆州敷城界郭城

領郡三

廣安郡 武定元年置

永定郡 武定元年置

建安郡 武定元年置

武州 武定元年置治鴈門川武定三年始立州城

領郡三

縣四

吐京郡 武定八年置

領縣二

吐京 武定三年置 新城 武定三年置

齊郡 武定元年置州治

領縣二

昌國 武定元年置 安平 武定元年置

新安郡 武定元年置

西夏州寄治并州界

領郡二

太安郡

神武郡

寧州與和中置寄治汾州介伏城

領郡四

武康郡武定四年置治東多城

靈武郡武定元年置

初平郡武定元年置

武定郡武定元年置

靈州太延二年置薄骨律鎮孝昌中改後陷關西天平中置寄治汾州隰城縣界郡縣闕

前自恒州已下十州永安已後禁旅所出口之數並不得知

藏書卷一百六十一 此系志下正裝生

魏書卷一百六上 地形志二上第五終

帝山郡注云後漢建初中為淮陽永元二年復今案後漢書章  
帝建初四年四月徙常山王兩為淮陽王和帝永元五年九月  
紹封故淮陽王兩子側為常山王兩傳云徙淮陽王以汝南之  
新安西華並淮陽國兩自常山徙封淮陽非改常山為淮陽蓋  
魏收之誤

卷一百六上  
地形志二上  
第五終

